

湖
海
詩
傳

湖海詩傳卷三十六

青浦王 昶德甫輯

張 誠

字希和平湖人乾隆四十二年舉人有熙河草堂集

蒲葑山房詩話李麻於情既勝屢屢復健去爲五載之遊登岱宗一書格訪于關中直臨遺廟峯頂與麻東馮庶常敬昌吟賦經月始下又欲作峨嵋之行蓋徐僕客散流人也性好作詩

話凡若干卷搜採精論頗稱繁瑣

光福里探梅

早讀笠澤書野寺得光福輕舟背日行曉風十里速山色迎
人新水光泛鳴綠孤塔遙崢嶸一溪自迴曲傍岬編碑籬開
門隱修竹居人爲我言山中絕塵俗望衡千餘家種梅如種
穀梅熟子可沽梅開香不驚不驚當如何客來恣所欲

鄧尉一帶皆單瓣白梅至西磧始有珠砂紅綠萼梅

玉蝶梅各種自鄧尉下冒雨復至西磧山頂

山山不斷香樹樹未消息陡見斑陸離振衣上西磧隱隱籬
落聞綠燦映朱碧小紅桃杏色綠萼羣仙列東風飄靈雨四
野行人絕余情苟信芳塗泥寧所惜步岡亂雲伎歷磴蒼蘚
裂交徑橫枝妍倚洞芳華潔願慙塵俗軀遊此神仙窟何當
來買山永結子雲宅

包山顯慶禪寺

皮製美陳魯黎有
包山精舍詩卽此

山行不知遠叢木忽蒼翠嵐起層岡幽幽隱古寺初地肇
蕭梁嘉名錫唐帝復有慈受僧結廬傳末世寺前五株松落
落擎天勢虬角不可攀龍鱗時或墜山僧頗好名竊附五柳
意寺得號
五柳拈余爲余言此樹閱千載其下兩石幢中藏佛舍利
剔薛試摩挲其一木無誌其一會昌年僧契元書字字字空

王言歷歷時日記

唐會昌二年壬戌九月八日簡評
元書佛頂尊勝陀羅尼經法也佳

頗通瘦硬神亦饒

烟雲氣幸藏深山間勿爲椎拓累守拙全天真斯理得罕譬
少小慕松陵倡和金蘭契今來精舍中風流結遐金棟宇或
劫灰林壑餘古致我亦烟波徒儻然願高寄

文大夫種墓

孫在阡
龍山下

賜劍南陽忽未伸銀濤白馬並江神卧龍何處尋遺冢烹狗
無端憶昔人敵國十年三術破故交一棹五湖春君王自有
同安樂不念當初患難臣

宋大樽

字左葵號茗香仁和人乾隆四十二年舉人官國子監
助教有學古集

野老

田廬聚妻子桑麻環繞之今年已七十一日無別離舉酒互
勸飲頽然忘是非醉歌扣牛角牛角向我低客從何方來勞
勞已幾時客歸抱黃犢此樂客自知

臨平山安隱寺最幽偶往游驪

周覽若有失迷懷輒引領白雲先客在春入空山靜松風答
樵歌蘿月帶潭影達者能棲心至此更深省

飲淮揚酒家送客

江上忽離別扁舟增暮寒猶持故人酒莫作異鄉看送者有
時返此行應更難朔風吹涕淚獨自向長安

田家作

昨夜春風生今朝春鳥鳴白頭先早起紅日好深耕隴畝留
薄古牛羊樂太平歸來相勞苦勸飲更多情

趙秉淵

字少鈍上海人文哲子乾隆四十二年以雅蔭收補中書今官成都知府有卯君初稿小斜川叢稿

過述菴丈蒲褐山房出畫冊命題賦呈三首

長安羈宦客僦屋本難定大抵近市喧斷無樂幽屏城西蒲
褐居巷僻隔塵境精廬十笏寬窗几整而淨絕似書畫船羅
列尊彝鼎藥欄數弓地竹樹翠交映茶聲沸庭陰客至淪佳
茗先生澹蕩人款語意閒靜時參文字禪結跏味彌永道是
退院僧十年住華省

西山窈窕容不肯入官府爲愛愛山人山色滿簷戶誰將修
眉痕收拾到毫素朝爽夕更佳無事頰頰挂空庭老槐榆離
立狀奇古秋花寫幽姿作意弄媚嫵先生笑忘言寓目各有

取

涼颼入庭柯，淒切送清響。閒階亂蛩音，落葉滿床上。吳淞舊
隱居，風味記疇曩。殘陽下亭臯，閉門靜扇兩。蕭蕭打吟窗，撼
撼撼虛幌。篝燈賦秋聲，此境繫懷想。今夕坐高齋，晤言動悵
惘。

木果木軍營題巴兵部尼緝金江泮劍圖

我來西嶺觀軍容，和門高捲紅旗紅。行廬定省得少暇，軍諮
祭酒紛過從。先生嗜古本儒雅，投筆不爲通侯封。穴中羣鼠
喜觸門，忽爲狼狽交相訐。王師聲罪致厥討，務使荒徼消
烟烽。先生躍馬任參佐，素筆磨盾陪元戎。昨冬先掃兔，一窟
飯蓬零。韓臆秋風降人感，涕竊有獻一劍脫。手詞何忝先生
撫之，投袂起誓以此劍齒兩兇人。心劍氣歛然，合怒欲出室。

鳴宵中金川之水何從澗澗沙激石行如龍臨流坐愛清見
底山光樹影交玲瓏昔曾請纓今枕甲以水淬劍他山攻匣
中三尺本如水匹練躍出青芙蓉爛於初日艷於雪撇波化
作干霄虹橫磨十萬此其一指揮頭白難櫻鋒我今觀畫若
觀戰便思手挽百石弓無勇非孝古有訓竟請摩壘從諸公
礪齋不如逆酋血三疊三沐旌爾忠龍身虎氣繼讚頌倚天
欲共凌崆峒

宋謝文節公橋亭卜卦硯歌爲查榕巢先生賦

并序

宛平查太守

遊

得端溪古硯一長約八寸廣半之額

篆橋亭卜卦硯五字背楷書宋謝侍郎硯五大字左
側鐫程文海銘曰此石我友也不食而堅語有之人
心如石不如石堅誰似當年採薇不食守義賢也右

側刻題字云大明永樂丙申七月洪水去橋亭易爲
先生祠相地得之閩後學趙元行書二十七字按宋
史言先生當宋亡後入建寧唐石山轉茶坂寓逆旅
日麻衣草履東向而哭旣而賣卜建陽市中元翰林
學士程文海薦之不起被魏天祐逼至燕京居愨忠
寺見壁間曹娥碑歎曰小女子尙知節義我寧不汝
若哉遂不食而卒又考福建統志今建寧縣南門外
有朝天橋一名濯錦橋宋紹興中築醜水十三道覆
屋七十二間上有謝蚤山祠與元題字照合則橋亭
之爲朝天橋無疑矣特先生官止江西提刑副使史
傳及輟耕錄皆同視背刻謝侍郎未知何据俟再考
太守能詩好客有前輩風流而是硯爲孤臣遺澤所

留宜其實逾拱壁也丙戌九月廿四日太守置酒邀
諸先生共觀諸先生各賦長歌余亦爲詩

信州城一彈丸安仁溪一衣帶謝公當日作逋臣忍死須臾
有母在崎嶇轉茶坂蜿蜒朝天橋上有突兀之老屋下有嗚
咽之寒潮麻衣草履貞苦節東向飲泣無昏朝國家金甌已
傷缺不及區區片石猶堅牢犀紋鶴眼詎在好標格但覺墨
光黯淡和淚痕難消垂簾聊學成都客卜肆沈埋人莫識遺
民姓氏混塵埃我道明夷在周易無端空谷下旌招不道公
心介于石瓦金玉碎各有志豈待行藏問龜策燕山寺中燈
影孤南冠憔悴一餓夫碑間女子寧汝愧抗節直與首陽徒
橋亭人去久寂寞杜鵑啼血空模糊滄桑轉眼五百載殘石
猶有神明扶打城洪水漂不去天使光怪騰泥塗流傳何日

到公手寶之不異千璫瑱摩挲再四誦銘字令我懷古心紫
紆嗚呼玉帶生信公友此石千秋與同壽文山疊山兩不朽
過綠雲菴

逕曲蹤難覓苔生白板扉花香入齋鉢竹色上僧衣梵響隨
風細鐘聲度水微此中參靜理愜賞欲忘歸

翟叔游華華寄示江村漫興詩卽用原韻奉酬

幽棲地僻少塵埃著履剛花踏綠苔水霧漸看朝雨合林烟
先向夕陽開茶經藥錄時三復竹塢梅垞日幾回早暉故人
倘相訪牀頭共釀舊香醅

春盡日寄遠

板橋細柳碧於烟風信匆匆三月天正是玉人春病懶杜鵑
啼到綺窗前

徐蔭林 薊城明經屬題澱湖漁隱圖率賦三絕句

湖中山色烟中樹郭外斜陽水外村不必并刀煩剪取儂家自有水當門

撲水叢蘆綠幾灣持竿心似清鷗閒還應添箇漁舟小著我烟波浩淼間

鱖鱖純羹滑溜匙船娘纖手白凝脂秋來好景無多子只在斜風細雨時

馮培

字玉圃號寔菴無錫人乾隆四十三年進士官戶科給事中有鶴半巢詩鈔

瘦銅惠筆賦謝

夙昔慕著書竹素日蒐討脂暝而墨晨手錄務祕寶座間管

城子結交最傾倒所恨才力弱研摩謝穿縞名如地畫餅言
類海生棗臨池亦未成蛇蚓強縈繞故人學殊富星宿羅胸
抱與酣泚筆爲秋實兼春藻貽我青鏤束爲我潤枯槁細字
鐫一行東吳瑞符張造段氏胡盧奇蘇公散卓好我指鈍於
槌街蠶鼠應惱夢中五色花塵土捐糴早年來直禁樞橐
筆軍書草貴捷不貴工取濡不取燥三錢雞毛製風雨足揮
掃番休暫歸沐俗累苦相黷礪確荒硯田中書愁禿老縱有
字堪煮其奈筆難飽雪晴牕几明乾鵲喜清曉抽毫試拈弄
快得麻姑爪自浥水蟾蜍聊用謔詩藁

磬鍾峯

康熙間賜名
俗名梓鍾峯

衆山連尻睨隘匝抱仙闕其勢若奔馬縱逸向空濶山靈
厭平坦拔起烟霧窟陡然石稜稜一柱聳突兀倒垂矜挂角

孤撐龍蛻骨上有古石幢屎洲字奇崛

石幢爲屎洲幢四字屎在戶字見說文洲疑卽洲字武

所造日字也幢未詳亦不知何時所建

下瞰武列水清秋蕩窈汨

熱河卽水

大哉造化鑪

旁磷積日月嘉名

聖人肇微外秀不沒吾將學米顛肅

拜具袍笏

辛丑歲暮得述菴手書賦呈

晴雪封疎林寒颼吹老屋散直逼歲除寂寥影踰書來自

泖湖長牋四五副喜劇挑殘燦盪手再拜讀首言離別久

禁庭迎曩躅蝨簡袖書繁螭毫視草速相隨闕晨晡共事積

涼煥回憶成昨夢纏綿意三復次言詞苑輩文章非所屬明

代李何王壇坫迭當軸通籍皆曹司領袖藝林伏玉堂闕無

閭輪材空碌碌姚

冰

楊

雜

姓字湮錢吳身名辱

國朝數鉅

公聲華競馥郁多緣郎署階罕入瀛洲錄勿以改官故中懷

長刺促努力期不朽藏山富繼竹末言龍肝表窳窳就吉卜
策杖藜重巒負土泣奔鹿衰髮霜雪侵壯志風雲縮紙窮情
有餘琅然叩哀玉先生羣雅宗扶輪祗時俗筆落萬舌傳弓
衣織滇蜀提劍出虎口團蒲禮雞足鏡壓徼外清繡斧臺端
肅政成大江西高並匡廬瀑甄藻蒐湖海噓枯拔巖谷我比
陳無已歐陽實私淑猥蒙齒牙芬壤流附岳瀆此風今已無
歎息鹽車服感遇鬱難宣古義自銘勗何日從公遊悵望春
波綠

閩 詔予明季殉節諸臣謚恭紀

雍齒封原假韓通傳竟遺山來亡國社未得表忠碑河嶽精
靈迴春秋義例垂易名洵 曠典異代疾風思

明政嗟解紐難回寶鏡淪三方無半壁萬死有完人頑懦遺

風激賢奸定論真關幽干較事大義在君臣

古北口

北來鎖鑰屹雄關不斷秦城指掌間
市地風雲連紫塞倚天
屏障削青山長河疎柳籠煤度古戍
清笳虎旅聞何事三邊
誇重鎮只今明月挂弓彎

寓舍偶題次申笏山副憲前輩韻

依然僦寄小軒除門隘難容長者車
滿屋山雲新雨後一庭
塞月晚涼餘纔過瀟水無長夏
瀟水卽今之灤河
已覺燕臺是故居下
直喜逢封事少不須頻問夜何如

抵京後寄劉退谷孫香嚴並諸同人

西風一夜落黃榆回首興州絕塞紆
山擁百盤通虎北水分
三藏下龍芻歸鞍乍帶邊塵色
蹕方誇校獵圖
諸公並
隨進明

月臨關秋正滿能思燕市酒人無

馮敏昌

字伯子號魚山欽州人乾隆四十三年進士官戶部主

事

蒲褐山房詩話魚山所居欽州乃廣東西南瀕海處蓋地近安南漢以來無文學
七魚山讀書砥行無師而成自官庶常改戶曹益以及訂校譽爲事工書能詩名
山大川必往登涉又修孟縣志刊碑詳審有功於金石丁憂歸遂下復
出間在端溪書院主講從此山脈海濶咸知古學魚山爲之先導也

遊龍門謁大禹廟

萬年欽禹力千仞瞻龍門山東峰巒壯河驚氣勢奔晴雷冬
亦奮白日晝應昏感激爲魚歎真將捍患論

氣運將開關山河待始終寧察天地性真作鬼神功雲氣摩
青壁濤聲繞故宮安瀾知有賴威仰意何窮

過十陸謁傅相祠

避迹同遺老旁求佇大賢傳巖圖像日殷室中興年霖雨端

由帝星辰尙在天精誠能陟降且勿託神仙

丞相看隣壤

丞相城父子故里近在夏縣

阿衡得替人如何先版築且復事勞

筋一代君臣契平生空乏身驅車賸遺廟感激動心神

管世銘

字蘊山陽湖人乾隆四十三年進士官至監察御史

昭陵石馬歌

虬髯真人二十四手挽黃間射櫜韋百戰未嘗輕失利出死
入生憑一騎凡駑何能假鞭轡蹀躞六龍天上至拳毛白蹄
特勒驃骨相更數青騅驍乘之陷車風雲高盡使萬馬喑不
驕匪止褒鄂酬弓刀次第削平諸僭逆芻料登槽三品直帝
謂未足酬其力肖像昭陵斲以石過者見之猶辟易百年天

地生塵埃鐵騎蹠踏潼關開彷彿先帝神靈來指揮殺賊賊
氣摧汗出浴石形瑋魁嗚呼馬兮馬兮生能騰驤死猶怒不
負文皇顏屢顧下視哥舒直狐兔五雲長飛松柏路蘚積苔
深誰敢仆廣明劫火關天數馬亦無聲臥寒露蘭紙蘭亭落
何處

響泉硯

錢郎叉手詩盈卷短什長謠無不善更工撥墨寫秋山十載
摩挲惟一硯硯初得之自燕市兩宋形模半存毀磨礱更昇
藝石翁重發奇光有深理本出端溪最上阮蒼烟軟玉韜光
精千年溪水暗激射背負齧缺蛟螭爭解人因物出新意凹
凸隨形成位量上作濺濺漉注痕下取洶洶不平勢勢得毫
釐等千丈几案真疑萬泉響從此鐫銘號響泉濠濮瀟湘落

君掌君攜此硯返華京五上春官名未成就中恐有卞生淚
淚滴入石同泉傾硯乎硯乎時有待鸚鵡青青眼常在終當
貢汝置玉堂不使東坡擅龍尾

送李雲岩大司馬

世傑

賜告還黔

當代封疆第一流奮身掾史出邊陲精勤吏事陶公斃風厲
官方晏子裘上藥起衰馳鳳嶺

公初在四川總督任內引族家賜入參一斤

安輿扶疾到

龍樓

特旨局與入直

相臣請老司徒養

謂紫高世竹籃兩先生

又見公歸擁八驪

風葉

浙瀝西風作意侵紛紛黃葉捲疎林江空與鳥分帆影山靜
兼泉亂履音一去故枝飛不定欲爭初地力何任無情未得
枯桑似獨客難禁萬里心

錢世錫

字嗣伯秀水人載子乾隆四十二年進士官編修

蕭渴山房詩話嗣伯長於登臨行旅之作而博雅足以副之瘦硬通神不減其父晉中詩尤佳新句亦清散聽雨云外聞擊雨瀟瀟六月如秋枕簟清涼彷彿江湖宿漁艇秋浦深處適逢登道緣守居開池記云樊文讀罷苦警牙客舍青橙百感如太息頻仰老居士秋風塞樹集寒雅嘉興張彌加會爲之注故云

自崑嵐往保德山行

盤盤山中路巧作螺紋旋將東反向西似帆隨湘轉上坡若
挽船踏蹬疲驢戰下坡如放溜坦逆趁勢便壁立黃土堆突
兀已厭見不定嶺雲姿無名野花青晉地何寥濶馬蹄將踏
編

明宣宗仿宣和筆林擒鸚鵡

隴禽調舌立畫廊臨風頻弄絳鏡光豈如衝烟向深塢秋露
初熟林檎香輕紅嫩黃盡佳果不必香稻仍餘糲雪衣踏枝
枝欲動絕自矜貴居中央旁有綠衣如姊妹展襟側睨蹲斜

陽物色生態乃如此流傳繪事出尚方
宣皇御宇際熙洽百工藝術俱精良
圖難茲其瀉清醪薰鳴銅鑄焚都梁
絨金雕盆籠蟋蟀西川官扇詠招涼
幾餘六法供游戲化國之日何奇
長猗蘭求賢况飢渴鹽梅麴蘖資
三揚此圖偶仿宣和筆枝枝葉葉
能芬芳神霄天子實天縱調鉛殺
粉真擅場枇杷角鷹筆法在不隨
花石淪滄桑青城流離亦氣數未
須浪子笑端王金脾獨奈赤鸚鵡
來自汴水蒙風霜舊人呼罷卜尚
樂萬歲泣下宮鬟傷

高宗在建康自大赤鸚鵡自江北來集行在承慶上蓋道君將宮中所畜足自小金脾自宣和二字凡上鸚鵡草無
羽合與圖貌傳線細絕勝蠻鳩與義燕紛紛籬落空飛搶

雪後
爐火微明老屋深
虛間空白抱冬心
山寒飢虎嘯當路
城寂

栖雅懶出林乾雪舞風停又起凍雲漏日霽還陰惱人不似
江鄉好欲見梅花何處尋

李鼎元

字味堂號墨莊絳州人乾隆四十三年進士官宗人府

主事有師竹齋集

蒲澤山房詩話梁為西南屏水鴈山刻隨而數十年來未有鍾其靈異者近日綿
州稱三季以墨莊為最意近孽辭警按茲住後素米不足遠遊江河所到名山大
川發其抑鬱之氣夜地倚天三吳士大夫以英區自命者未能或之先也庚
申初夏余在武林墨莊下使琉球過訪講會子謂君天才奇偉又佐以域外之觀
海涵地負當自砥心而砥口者及
使還予已老病家居未竟所作

舟發武林

三次出武林水行道彌苦天熱長無風江淺耿不雨扁舟困
泥沙動聽人夾輔竹篙尙無濟那復問柔艣遙憐水中車江
上哭田甫昨日水滿田今日如斥鹵江涸不及岸車短焉足

取君看前溪中無舟但網罟對此心愀然滴淚濕厚土安得
鞭睡龍乘雲下天府沛然作甘霖稼穡始可瞻天乎聽不遠
感激喻肺腑

石門洞觀瀑

白龍雲中翔取水銀漢傍水溢收不及一落千丈強雷聲破
地出雨氣連天長中遭石一激雪花霏微茫石門洞天地道
經頗能詳青芝產石田語或非荒唐我來逢九秋淒淒風色
涼仙人隔珠簾欲語不得將何以洗我耳更願瀦我腸待我
俗緣盡結茅此山岡

牛頭山

日出羣木疎山色遲晚靄客子踏雲行直上青天外雄關踞
牛角江似蹄泔會回頭望二劍淬鋒將安頓踵觸後來人幾

成滅頂害四山爭向背形勢辨襟帶時清關吏疎姦民或狼
狽頗聞渡口人欺客恣狡獪孤商休夜行毒魚如蟒大

朝天關

峩峩葭萌關棧中第一隘上壓石千尺下截江一派險勢過
牛頭峻極出天界烈日掌中捧崩雲馬頭挂釣梯與危磴到
此益奇怪俯窺江上船小若坳塘芥五丁鑿不得架木迹未
壞如何孟達輩守此亦終敗信哉險難恃萬古一長噫

七盤關

七盤盤入空勢欲捫青天路逐石角轉人隨樹杪旋誤入羊
腸中甘讓飛鳥先風雲莽迴護欲出愁無緣嶺水一以分隴
蜀遂相懸頗似岐路人揮手揖馬鞭有草烟外香有花雨中
然好景寫不得惆悵雲峯前

滴水崖

人從崖下行水白崖上落迴風吹水飛白雨洒休薄馬滑進
輒退僕怨前且却如入大漏天義輪避難託又恐息壤移不
受五丁鑿藤蔓正得意層層肆纏絡能令白晝昏峻嶺變幽
谷真如陰險人天或助其虐駁勤語從者此處防失脚

雞頭關

雞頭高入雲人與雲爭路夜行山不知險隘未全露月落鳥
亂啼林黑馬頻顧輿夫昧高低亂踏滑石步悄悄盡七盤懸
廳或驚去微聞水瀉瀉崖深自可悟天雞鳴一聲回望轉生
怖失笑謝童僕此險幸偷度

柴關嶺

揮去青羊河登頓上衙嶺石齒排劍鋸叢蔭蔽陽影路與蛇

虎爭人挾風雲騁重嵐濕征衣飛泉灌客頂山骨不受鋤箠
林獨完整疑是叅神靈保茲樹干挺不然山盡禿進理亦何
幸萬木劫運開對此轉悲哽

曲阜縣

我行半天下所到採風俗非官怨民頑卽民怨官酷官民本
一家胡爲心不睦淳哉聖人鄉禮樂尙薰沐不取非義財不
爭無情獄不負官吏租不厭糜豆粥俛刑君子心屬屢小人
腹比戶敦廉讓居人重耕讀遠矣武城風賢哉四氏族智者
擇里仁此鄰不須卜

出都

微祿雖云養空文不救貧那堪馮宦子又作遠行人故里歸
何日天涯寄此身殷勤餘兩弟菽水共艱辛

萬仙樓

兩崖方對峙一徑恰容樓洞雨懸螭口山雲絡馬頭回看城
若近直上路仍幽衣袖飄飄舉翛然豁遠眸

扇子巖

何來雲母扇壁立插晴空開闔陰陽異炎涼歲月同卽今能
却暑終古不搖風惟有新秋逼凋發起灌叢

金星亭

絕壁疑無路懸崖尙有亭俯臨千澗黑高接一天青屋角雲
常宿簷前鳥未經搖搖風欲墜只合住金星

遊雪竇

出郭緣山徑蒼茫曉色分鵲喧朝霽日人踏亂峯雲澗水澆
田使村農插稻勤計程原不遠午後一鐘間

夜直入東華門

一官未補是閒身那更奔馳逐軟塵折簡尙循前輩禮看花
空憶去年春班超有志思投筆汲黯無才嘆積薪最恨東華
門左館卽今誰是舊詞臣

病足

不著朝鞵且挂冠未妨步履暫艱難公卿本厭趨炎客筆墨
初宜耐冷官舊歷山川來夢裏故交風雨隔雲端庸醫莫勸
加針砭白愛西窗卧榻寬

蘭相如墓

相如智勇竟如何歸璧秦庭未足多膠柱真能知趙括避車
非是畏廉頗千年獨客還生墓四尺荒墳不忍過叱伏虎狼
憑頸血翻憐匕首殺荆軻

偶興

莫向瀛洲問謫仙，紫薇花近九重天。功名退似臨風鷓鴣，家計清於吸露蟬。有子登科吾欲老，無財養母益能憐。藁蕪直類羊公鶴，不耐重驅到舞筵。

不堪回首是流年，棧事機心早棄捐。肯效季良成畫虎，漫從聖翟刻飛鳶。貧除搜句無長策，富縱多文不直錢。行輩而今皆老大，倩誰先著祖生鞭。

四月二十九日次子闕官生同人集賀分得七律

庭前歡笑正談經，婢報深閨次子生。但覺有聲震_平戶牖，便求無難到公卿。關心老媪先稱賀，愛我良朋更洗觥。頗笑阿翁雙鬢雪，孫猶未抱望兒成。

王元勳

守叔華嘉定人乾隆四十三年進士官徐州教授有易

圃詩鈔

漁父

芙蓉落秋江蒹葭生暮色扁舟何容與獨釣幽岩側纖鱗不
盈筐持竿若有得童稚遙相呼妻孥俱晚食鼓枻歸去來柴
門未昏黑業微力罕勞欲寡情易愜悠悠涉風濤感君徒太
息

海上觀冰山歌詞毛海客賦

江南從無三尺冰冬暖紫裝汗氣蒸歲維辛巳月在丑十日
大寒昔未曾北風吹海海水立峩峩百丈隨堅疑中流猶聞
浪激撞排空已見峰峻嶒巨魚凍死尙嘔強老龍僵卧難升
騰馮夷水仙弄寒月髣髴夜半來相登余時踏凍訪海客驚

見水山高崩劣陰森氣壓沃焦寒空色明映扶桑碧日從冰
底出冰上貝闕珠宮光倒射雲霞不礙水晶空峯巒皆作火
齊赤恍疑有樹挂珊瑚誰造圍屏雕琥珀蜃樓海市安足誇
雪車冰柱徒爲役須臾火輪埋黑雲雷吼一聲搖乾坤危崖
中裂向夷島斷嶺欹側連江瀆嵌空半帶魚鱗影瘦削欲變
波濤紋太陰嚴疑太陽弱消鑠日久方崩淪平生壯觀此第
一衝寒縱覽留淡旬直待東風春水發挂帆浩蕩垂修綸

出屏風關

行徑繞山微陰崖疑夕霏松風吹不斷翠靄欲霑衣時有林
花落遙看瀑布飛迢迢白雲際無計叩岩扉

赤沙湖

八月雁南翔湖波接混茫水中散村落木末度帆檣山遠秋

客淡天低夕照黃芳洲獨倚徙宿莽引餘香

漢江秋望

波光天影兩空明雲外迢迢宿雁聲帆帶夕陽歸夏口山連
秋色到樊城銅鞮誰唱當時曲鐵鎖空餘弔古情欲訪滄浪
漁父迹濯纓閑對漢江清

九月登憫忠寺閣同芷園作

西山晴翠滿城頭乘興來登蕭寺樓白雁早驚沙漠雪黃柑
暹憶洞庭秋傳盃有客成高會吹帽何人紀勝遊樹下泠泠
鐘磬發夕陽寒色上葦裘

嶧山道中

落日西風捲地寒黛螺遠近看晴巒山家長在翠微住不解
行人駐馬看

湘中雜興

垂楊垂柳滿長堤薄霧輕烟晚更迷
三十六灣春草綠鷓鴣聲裏夕陽低

渺渺春波鼓棹遲蒼蒼曉色起愁思
深林杜宇啼初急花落黃陵帝子祠

徐大容

字莪汴江南華亭人乾隆四十四年舉人有復堂詩鈔

蒲陽山房詩話莪汴爲文貞公九世孫性情蕭灑幼耽吟詠既從沈上舍大成遊覃精經術一以漢魏爲師作詩好押韻韻盤硬語而近體亦復嫺雅如垂老尚虛謀負郭吟秋無恙德登樓不見便同千里附得歸已負一年間德爲指肝求不易非闕難助素備難說渡已無人盪棹憶歸應感客登樓皆雅音也

牀山歸自括蒼小集伴花吟塢以洞庭始波木葉微

脫爲韻得葉字

良友遠客歸握手笑開麴斗酒爲洗塵盤蔬互相饒是時秋

雨霽斜陽射城堞涼颼颼然來頓覺耳目慊言念平生交散
若林中葉而我病杜門情興尤疲茶得失任鷄蟲寒暄付裘
篋已嬾鼓齊瑟詎暇彈馮缺辟彼焦冥巢所樂在蠹窟惟餘
山水懷寤寐尚躊躇讀君括蒼稿快意踰抓鐻冷烟淥波亭名
凝活翠青城山名疊相去千里餘展卷恍親涉宵長秋夢多夢
弭橫江楫

拾視齋視曹雲西山水畫卷

我不解畫解讀畫草堂四壁圖天池徧游五岳志未遂快意
藉慰長相思舊藏墨妙二十幅天籟賞鑒多題辭惜哉雲烟
瞥過眼神物聚散無常期余家舊藏宋元人真蹟二十幅近已散佚重光之歲日長至
扁舟訪舊城南坡主人愛客揖客坐示我妙蹟邀題詩開圖
知出雲西手絹素黯澹神淋漓空江濁浪鬱渺瀰絕壁高嶺

攢厓巖白雲遮斷最高嶺但見蒼蒼濕霧含朝曦草枯無全
葉樹老無全枝危橋曲磴互掩映中有仙人來往乘雲螭吾
聞先生昔解組羲父一卷常相隨抱膝長吟意不樂睥睨橫
被羣兒嗤偶然放筆寫異境性靈不受雲山羈此圖洵精妙
欲與真宰爭神奇流傳安得入君手摩挲儘可忘朝飢詩成
把酒發浩歎擾擾得失將何爲行當拂衣謝塵瑤待畢婚嫁
知何時

游知止山莊

一徑入空翠
驪痕破薜蘿
柳遮當戶日
花映隔溪山
僧梵青
林外漁歌
深水灣
頓忘歸路
晚相對白鷗閒

牀山新居小集分得居字

一抹溪雲十笏居
幽尋遙指故人廬
橋通小市魚鰕賤
徑接

平蕪橘柚疏客有素心能置酒家承先澤只傭書插籬未了
栽花急爲待春深奉板輿

葺城雜詠

有序

壬辰冬信宿西邈邨莊風雪竟日擁爐獨坐偶詠吾
郡風物得絕句若干首詰朝天已放晴輟不復作以
俟它日興到續之

卷蓬船小疾於梭柳外誰人載酒過九曲塘西山九點櫓聲
啣軋翦春波

熟梅時節雨冥冥長日家家醉綠醺聽說海鮮新上市五更
人語采花深

鮑魚

甘欺崖密軟欺酥淺碧輕黃隴畔鋪柘館紅蠶新上簇老農
侵曉餉山厨

蠶豆

灘空鶴去水茫茫廢圃猶傳參鶴莊記取中秋好明月露涼

清，唳下迴塘

鶴

玉竇泉清流澹沱雨華洞古氣朦朧夕陽一角前邨遠卧聽

蕭蕭紫竹風

王蔚泉

查山山下碧淪漣寒月泉如第二泉賒取月團三百片竹鑪

活火手煎煎

蘭翁山

注如洋

字潤民號雲壑秀水人孟錡子乾隆四十五年 殿試

第一名及第官修撰有葆冲書屋集

蒲褐山房詩話雲壑爲康古次子與兄念係咸以文名而雲壑和平端雅以狀頭直上書房爲公卿所器重以爲安州尙書之比其詩清圓朗潤不糞桂材栝瘿之習年甫四十遊歸道山成親王景范題詩刻於京邸

送百泉之邗上

婀娜風穩帆，夔夔驛喧鼓。詩人別我去，揮手柳陰午。平生患
短視，才勝一日杜。攜書千里遊，肯學堅閉戶。西窮馬嶺巔，北
飲滄洲醕。年年衣食謀，那復戀兒女。廣陵賢主人，講席春光
煦。時赴清心館
稿修之招郵書忽相招，下榻欣有侶。及門俊髦多，樂可晨夕
數。差幸作客佳，似忘離家苦。葫蘆蜀岡醉，芍藥玉鉤嫵。江山
入錦囊，烟月費織組。吟筇橋廿四，歸艇秋三五。時有中伏
返棹之約後會
相團團，菱茨熟鄉土。

讀黃山谷詩疊前韻

涪翁大雅才，詩壘蕭旗鼓。光芒發蒙翳，如日月當午。句奇酷
追韓律細，飽參杜。豈惟窺牖牕，直已踞堂戶。螭蟬氣味佳，咀
嚼勝甘鬪。手如斲獄吏，蓋學簪花女。艱澁閱宦途，少荷天恩
煦。坡仙遠謫身，漫叟狂歌侶。入黔復入蜀，道里天涯數。投床

鼻息大那計迤邐

傳稱山谷安於黔州時卽日受命授牀大舟人以是賢之

造詣勉益精筆奪

江花嫵寧同俳玩列几席炫麗組

我詩豈其別組與等俳玩其中答是若民句也

養丹火轉

九煉石色成五誰歟傳此燈吾欲酌黃土

雙井無人后山死只今誰子定傳楚揚蘇爾句

十月廿四日橘頌山房小集同補堂西潤舅氏惺惺

賦木棉裘得作字

湖頭蘆絮飛風信寒欲作桁衣單袷收卒歲婦功課木棉熨
貼宜適體最柔熨鋪如雪片輕吹作雲染大輪碾核汰淘槌
軟花翻篋縫裳製乃工挾纈溫可佐厚須銖兩勺新戒油膩
浣做裘三十年毛落捉襟破難求曝背溫袖手苦僵坐寬長
復潦倒得此已爲過客來請擁腫吾性便嬾惰稍禁窮袴冷
兼煖布衾臥貂襜彼何人被褐卽奇貨

夏蟲篇戲仿山谷演雅體

驕陽爍水水骨倒夏蟲降降肆蕪惱毒尊井坎利藏拙蜂聚
餓糧但娛老蒼菴望物僭在腹壁蠶鈎人痛鍼腦蛾爭烈蝮
死不知螭守微紅爛猶痔若狂舉國蠅集瓜一孕百丁蝻食
稻微歌土蚓貴優伶唱道花蚊醜與皂蟬吞仙字倣學究蟻
竊痘餘羨厨媪叩頭膈膊誠太卑負版踉蹌亦何好燈誇無
盡可憐螢微討不然行及蚤夕斯可死罍蟒癡上若罔聞蛾
蝨禱行泥科斗病卽僵重閉頓富室誰保螻思奮臂轍與雛
蚌爲充腸糞皆寶夫征婦歎蠶蛸枯父稟孩啼果羸抱倉中
穀盡昧饑穰糲裏醜雞情昏早觸鬚好鬪蠹局煩好妨失靈
巫迹掃頰聞緝女隨蛟蝶或者王孫怨秋草蟻蟻居豈耐醜
經舩舫歸難乘浩浩五更露下碧無情翳樹一蟬清欲搞

蕪春雨以所藏項孔彭酒甕桃花幅索題得七古一

首

孔彰嘗乞酒于友人後求索
壺而甕已破乃以此幅報之

墨林之孫善畫兼好酒畫日百幅酒一斗酒乾難佐筆墨豪
不謀諸婦乞諸友書來索甕甕已破報之瑤瑤情則那折枝
一幅聊解嘲逸態寧容塵土宛垂髻綽約神仙姝淡素不買
胭脂塗殘磚剩甕少形似酒香微潤桃腮映麴生烏有罌甕
吻此中已覺仙源近請君卧甕尋醉鄉定有漁人賦招隱蔣
君嗜古癖最深得來此紙珍璆琳晴窻示我玉叉挂宛然攜
酒花下吟詩成試問花知否花已沈酣欲墮襟

抵嶺後呈述庵先生

槐街漫刺十年殘回首程門雪未乾國士論知窮始信名卿
折節古猶難棠陰忽布南天遠萍葉知浮大海寬萬里依然
成負笈由來荷字勝高官

苦吟先子薄陰何遺集編成待不磨一序千金生死諾三春

六詔雨風和碧雞暇溯前型美銅雁傳觀古意多

席間出示漢銅雁足燈云在西

安得感極情深詞轉拙只如圓柳聽漁歌

吾師有三柳漁莊圖會令洋瑣買被塘一關

再過燕子洞

契濶靈山下兩年重來仍是綵衣天抽身皂莢黃塵外到眼
琪花碧草前終古濤聲常作雨經春苔印又如錢使君不識
忙閒事偷伴孤雲一夕眠

謹次 皇十一子題太僕陳句山先生遺集後原韻

含毫三嘆渺何因彷彿龍樓坐接茵一日未忘師友分半生
虛現宰官身定文辛苦秋窻雨感舊蒼茫月榭應神理青山
如可作祇應合掌向天人

贈王秋睦明府

三年梁苑隔知聞燕市收鎧忽見君官跡邈迴太行道詩篇

精彩朔方軍新嫺對面難忘酒謂屠勃死友關心獨定文議列西

遺小住休教行色遽六街花事又三分

江德量

字成嘉號秋史儀徵人乾隆四十五年 殿試第二人

及第官至監察御史

蒲褐山房詩話秋史爲甯谷從子父子九好金石秋史承其家學甚雅篆籀靡不
綜覽尤工八分所書武成王廟碑爲時所貴兼能人物花卉以北宋人爲法卒時
年四十餘曾注廣雅又輯泉志去成所著漢唐碑舊編宋版書甚富嘗以漢太尉
列實碑胎子覽三日遠之役後皆散失詩不多作信手而佚蓋非其所留意也

王少林太守藉山讀書圖

太守里居有藉山樓官漢陽時署據鳳山之麓構小

閣讀書用里居舊名名之

借書人云擬借山事益寡不辦買山錢林壑寄瀟灑結構就

岩麓徧地去榛瓦坐我松桂扉言念粉榆社拄笏對雞籠初
志用自寫吏散山翠深一卷時復把風細鑑篆高花開鳥聲
耗無何別山去載書勞車馬青山無處無塵埃未能捨此卷
長隨身此山成久假

題王樓邨先生十三本梅花書屋圖用查初白先生

韻

花前寫真事已奇夢裏看花誰見之忍冬老人乃畫夢

再補腹之鼎作

心花幻出冰霜枝歸臥草堂風日好鶴書不怕山靈移前

身明月來無迹寫出情性非人爲羅浮仙人抱冰雪不喫梅

蕊寧調飢青醴長物幾得失

嘗失去十數載先生曾孫少林太守復購得

展卷觸鼻香絲

絲枯槎倒亞瘦蛟偃春陰濃壓茅檐早書幌午垂石屏護香
爐茗椀安排宜巽然一翁坐擁膝清風兩鬢烟霞姿木蘭擢

妥春水潤白鬚者誰翻來遲化百東坡影搖蕩仙耶佛耶人
誰知寫真能寫夢中叟神妙直是非夷思文孫築堂踐古夢
排門葦石知爲誰

少林講堂以實之嘗有大
力者排闥擊其石以去

且種梅花十三本曰真

曰夢皆非痴

題時帆溪橋詩思圖

看花來北郭訪竹過東橋空邇人千里溪斜水一條閒心芳
草長塵夢曉鐘消此日披圖見吟成膝自搖
水流雲在意同此證初心選石坐春晝惜芳穿故林別驚詩
力健豪忘酒杯深得句時還讀琅琅和素琴

法式善

本名運昌奉 旨改今名蒙烏吉氏字開文號時帆蒙
古正黃旗人乾隆四十五年進士今官侍講有存素堂

稿

蒲褐山房詩話時輒自登仕版卽以研求文獻宏獎風流爲事故在詞垣著清秘
述聞愧應載筆在成均著錄遺錄其餘有資典故著而未刻者甚多所居在厚校
門北背塢面市一畝之宮有詩餘及梧門書屋室中收藏萬卷間以法書名畫外
則移竹敗石木葉苔蘚影影然如在岩谷間經師文士一藝技長莫不賦其容接
爲詩質而不癢情而能綺故
問字求詩者往往滿堂滿室

遊西山宿秘魔岵得三首

曉出西直門一雨山如沐亭館生新涼林樾淨含綠波平若
無流花光澹而縹郊行四十里僧寮上初旭松濤瀉地來爐
烟墮欄角浮屠七級圓倒影壓山足泉聲穿石竇遠向峰靨
束趺坐證空明古佛自幽獨

清夢滌珠潭孤情聳金紳忽聞草露香涓涓滴衣袖萬樹鬱
嵒峩駢柯蠹蒼秀偃僂烟翠中一步一逗遛日脚不落地峯
陰生白晝人鳥俱無聲松籟空音奏三里始出林巖際天光

逗借問採樵人何處尋乳竇

凹凸陰晴殊豔碑薛花膩漑以清浮泉隱約露文字文字果
何爲功德讚闍寺著語非不工借哉貢諛媚我方考圖經按
剔入巖翠北印五百庵一一探深闕

六月三日邀薌泉雲巢煦齋長河曉行看荷花遂至
極樂寺小坐分體得五古廿四韻

出郭荷暗薰到門柳駢澹碧約亘橫波長堤界斷泆露氣著
衣冠天光豁林麓難期賓從賢况際風日淑凌晨偕四友當
暑忘三伏客至不參禪僧枯已如木亭虛體自涼水流心弗
逐殘夢破網蟄閒雲曠鳧鷺揮笋迸石堦古薛繡板屋芭蕉
委地陰葡萄常爛覆檜老粉蕭蕭松圓濤謾謾對面起樓臺
闌碧嵌山谷鶴築金碧輝螺鬘翠膏沐讀顏秘監詩見李將

軍幅美景觀，練若勝游期。信宿市上十丈塵，饋中三年穀。形
摧路坎坳，氣折車輾轉。何如初地佳，更藉遠公築。雖乏打漿
翁，尚攜持盞僕。礙帽懸藤低，粘屐軟草馥。竹爐茶可潑，香厨
蕈初熟。消君魂，瀾胸飽我藜。莫腹自居淡蕩人，略享清淨福。
開窻看西山，萬朵芙蓉簇。

讀王鐵夫

芭孫

孝廉楞伽山房近詩，併其室人曹墨

琴近作賦

亦是人間語，塵埃一點無。曠懷小天地，好句滿江湖。入夜雁

聲苦，到秋山影孤。櫻桃風味好，慎勿戀伊蒲。

韓城相國爲孝廉題櫻桃館額

取我淡花句

余近有淡花開不濃句爲孝廉所賞

較君孤月詞

君近贈琢堂有月白孤清雨自疏之句

情懷各

無賴。風雨輒相思，苔尚綠。雙屐菊剛黃，半籬到門認秋水。隔

水是茅茨。

黃葉打門響，青山生暮寒。秋烟淡茶塢，墨氣出花欄。貧賤交
心易，文章造命難。詩成在驢背，趁爾未爲官。

豈但酒謀婦，并能詩佐君。房中結鷓侶，世上重鸞羣。搖筆柳
飛雪，下簾蘆破雲。慚余老妻拙，畫紙不成文。

雨後游極樂寺贈誠上人

徑滑還支石，上筇蘿門盡。日碧苔封兩，三竿竹自秋。色千萬
疊山，皆雨容。詩卷涼生禪榻早，茶爐香壓佛花濃。煩君倒瀉
天河水，一洗人間芥蒂胸。

同陸璞堂學士程東冶侍讀江秋史編修集許秋巖

前輩秋水閣

一縷茶烟漾曉楹，海棠風裏度清明。空齋倦客江湖夢，短巷
斜陽鳥雀聲。呼酒不妨新月上，捲簾恰好晚春晴。西園下直

吟詩慣感我聽鐘十載情

令弟石泉編修曾於下直日吟詩于聽鐘書屋今已下世矣

吳樹萱

字少輔吳縣人俊弟乾隆四十五年進士官四川□□

道有齋春堂集

武昌城南泛舟至東湖驛

武昌城頭月初落黃鵠磯邊浪不惡傍巖樓閣映參差重來
好與黃花約烟巒揖讓送人行便有湖光映面清菱蒲菱芡
足秋色鷺鷥點破江天晴平生慣與烟水習舍陸而舟意頗
得宛轉溪橋畫不如兩岸浮嵐翠欲滴白蘋風起浪吹花欵
乃聲中放客棹回頭笑指晴川渡無數估帆明落霞

蒼溪

雞聲出茅屋始信到蒼溪荒戍仍烽火孤城急鼓聲江流來

劍北秋色遠巴西
橘柚人烟外
霜華滿石梯

臨江試院夜吟

氣入蠻墟冷
早懸斗帳明
江流圍小郭
離響逼殘更
遷謫人何在
艱難恨未平
雲安此去近
知有杜鵑聲

觀音巖

坂折捫蘿上
巖高拄杖看
仰天窺一線
匝地走千盤
樹古雲裁葉
江晴雪滿灘
花飛吹不到
叢翠擁諸巒

癸丑立秋日署齋飲讌翌日將有漢嘉之行適秋汀遣人致善吹笛者詩以付之

一聲吹裂萬山秋
月魄雲容韻裏收
我是江城舊何遜
落梅根觸故鄉愁

謝振定

字薊泉湘鄉人乾隆四十五年進士官至監察御史有
雲將山草

蒲陽山房詩話薊泉在御史蚤巡城道遇勢家奴車服侈麗且相抗乃縛而鞭責之焚其車中聞者皆稱善也既罷官性好山水爲東南汗漫游嘗訪于青溪以病未見乃歷五茸三泖過京禾至西湖又渡曹娥江覽鑑湖嚴山之勝所至士大夫虛左迎之酣暢淋漓酒痕墨漬中獲其寸紙珍爲拱璧

胥門舟中晤唐陶山夜話

送君舟中別

癸丑歲路河送別

復此舟中遇各各看鬢毛意氣尙如故

幾年雙鯉魚纏綿道積榛交永言可深齋唱詩無數自我淮南來凌風欲飛渡終焉隔帶水盈盈有餘慕萍蓬感東西鷗蟀變朝暮宦拙君所同蓄意無由訴我今釋重負揮手謝鷗鷺一舟汗漫行雙屐雲嵐布訪戴心所先把袂忽一晤君來非我迎夢尋巧相赴宵寒燭屢跋瑣碎誦新句遊蹤述髣髴畧領江山趣遲我垂虹橋十日酒中住

遊吼山

放棹來繞門尋幽過臯步清漣淨如拭白鷗宛相赴舟從石
洞穿人向竹陰駐迎客僧赤脚才了導先路遊鱗卧澄波野
鳥弄圓嘹嶄然見山骨壁立空依附萬笏排雲霄一拳挺烟
霧玲瓏露圭角堂皇出與昨迷離斧鑿痕千載苔蘚護匠斲
本無意極目發奇趣更尋龍首巖飛泉迸甘澍跳珠落千尺
觸石有餘怒緬昔石簣翁於茲寫心素矯首懷東山長嘯獨
欣慕

郊行

看山忘遠近躡屐破溪烟雨足分秧水風清曬麥天機聲出
茅屋花氣上漁船信美滄洲趣環村叫杜鵑

碧霞元君祠

作配青圭肅凌空絳節飄陰陽雙氣合風雨萬靈朝玉女泉
猶列銅碑字半銷儵然塵慮淨清磬滿雲椒

吳蔚光

字哲甫號竹橋昭文人乾隆四十五年進士官禮部主
事有素修堂集

蒲褐山房詩話竹橋初登詞館繼改儀曹志尚幽閒卽辭華臚旣而韜勇總制湖
湘門盈萬騎而向禽之志猶專箕穎之情愈切覃研文史肅傲湖山跌宕琴樽搜
羅書畫且與門人鮑叔冷等及女士席佩蘭屈亮仙茲詩讀畫粉墨淋漓吾谷雲
深尚湖春暖人誇雅集室比臚仙故發爲著撰莫不刻羽引商揚風屹雅佳句如
江城遠笛秋風早山館疎燈夜雨多半湖流水青道市十里垂楊綠到城捲幔榴
花紅有波浮杯薦葉碧生香憑溫小檻思題竹行熱迴塘爲看花水氣陰涼將做
午山情半淡恰逢球壘花客有留連意對月人多太息舞夢裏驅龍詠白石醉中
蒸磨海鳥絲費米絲酒根爲兩畫出青山可當家天寒睡怯孤衾重夜雨吟貧小
閣酒茶花露氣兼畫門名時光几格兩斜陽藤蘿閣感語殘雪樓臺擁絮吟長
日一箇荷葉酒雙年萬頃晴花香千古功名春夜夢半生交友曉天呈打雨半簾
飛缺疎絲三十葉五湖鷗空江知懼春波色小院重簾暮雨聲風絲未了
時開泰舊仙無多日掩關雖盡以旗亭之壁寫以蜀錦之愛殆不能窮也

曉出西郭

初暎麗陽林微禹冑幽巖稍聆谷鳥喧
倏靚曙光顯縱權聊
逶迤褰裾信繾綣理洽慮自輕意豁境逾緬
平田前對陳曲
激後環轉習習惠風剪曖曖鮮雲衍修儵鑿
沉浮崇蘭汜舒
卷感茲芳序廷一獲冲期展撫景申長謠忘形從所遣

三月三日

良辰際元已令節屆春作靈雨渙瑤流
鮮飈扇珠萼命駕循
芳林褰裳踐蘅薄園楊旣泮泮山桃逾灼灼
文蔓纈繁粦明
珥坼疏籜睨皖鸞止邱頡頏燕巢紫鱗或負萍
紅蠶亦棲
箔緬彼風浴蹤睽茲祓禊約奉劒微西河流觴紀東洛采艾
心徒拳握蒲悵偶托樂矣庶毋荒詠哉勿相諠

瀾江磯

衆磯踰風湍叠石攢怪蠟茲爲水所吞江腹森戟鏃汨汨疑

爛糜陰火日煎沸疾流旣齧淪縈波復溶瀾防之不及防與
舟爲鏃礪太行鬱屨屨孟門瀉瀾瀾險巇在目曉曙者得先
戒禍機發于陰斯害小而大動作苟或疏一觸臭厥載巨川
無安瀾激盪繁變態利涉宜中孚旣濟發深唱

小孤山

豫章山童然喇帆半成禿小孤涌江心秀削獨者屬亭亭麻
姑紛一髻挽膏沐俯照鏡鏡光羣娥影粗俗又如坵泥筍春
町翠高矗其巔駢肉篋娟淨染蛾綠劇紫啟戶闔梯青架樓
屋盤旋上下層宛人老螺殼烏鴉百千棲黝色點萍俯物蠢
知所止或喙而或鷗滋峰實瓌特靈氣日照育水澤交溟滢
林木紛潤黷宜有神示司秩禮視嶽瀆珠幢建颺揚羽葆衛
肅穆云胡異見聞冠以女郎目逝矣塵綱牽沿洲傍隈澳擊

汰行俊選弭旂睇綿藐申章寓長謠湔雪庶無辱廻瞰澎浪
磯壁立自赧駭

道士泚

峯者爲山睢夷者爲山腹迤者左右翼是爲山股足前頰而
後仰宛然道士伏鞠踰滄江濱詰屈悍流渡舟上與水爭若
車鏗其軸十進九成退以風鼓之速舟師健於虎至此牛般
鯨攝魄歸一心貫精入雙目得濟罷驚悸過涉興怨讎吁嗟
山有靈千禩長蒲服坐令行旅人所遇顛頻感天閣高九重
曷不飛片牘刻平成康莊錫我蒸黎福

由祁門登陸至魚亭

宿烟屯修嶺新漲馳迴谿蒼蒼灌木陰錯以萊麥畦結翠下
作登散金上成蹊黎明發輿轎辣鬪鳴春泥林風巾獵獵嵐

霧衣裊裊前梯松苗高後縋蘿坂低行者如龍游止者如雞
栖午餐見澄霽日出景已西閒花有千笑幽鳥非一啼行瞻
百里道祇平渺埃墜或橐而或囊或負而或攜履坦緬遺澤
白龍門至魚亭路八十里皆先伯祖倡修成矧彼頌與黎極盛重所繼務塞衆口詆解裝
及魚亭延緣狎鳧鷖

錢忠懿王金塗塔一版縱二寸有奇橫約寸半陽面
佛像已泯不可析其陰有吳越國王錢宏俶敬造八
萬四千寶塔乙卯歲記十九字記下別有人字蓋編
次意也按曝書亭集誌此譌稱武肅者竹垞翁實未
之見故繫元周方泉詩於後爲據周詩但從如來捨
身象起議亦未確指爲忠懿今可以證其失矣趙味
辛舍人攜出脉客前輩翁覃溪學士因搨數十紙并

作長歌學士語余塔本四版上兩以蓋友人爨于陝
中睹之樨製旣多流傳在世茲特一中之一耳余分
所拓歸展玩不足亦成是章

五材民並用誰能去者兵嗚呼八萬四千塔如九州鐵錯鑄
成武肅當年賜金券衣錦軍歌息征戰誰詠鍾馗擊鬼圖廢
立先囚義和院文德迎來重襲封淮南江北助交鋒賚兼羊
馬恩原渥獻盡珍奇禮最恭荆楚諸邦歸命逼孤危難仗空
王力風景河山幾百年一朝舉族留京國不知此實何時造
紀歲分明維乙卯得非赤董銅或是嶺南寶青蓮座下狻猊
獸紫竹林中鸚鵡鳥摹姿寫狀髣髴存龍女善財爭拜禱應
在太平興國前遣還兩浙喜欣然買燈正散中朝綺唱簿方
收小戶錢欲懣世尊銷怨端裝炭營鑪燹高燭浮屠七級將

毋同後代猶聞呼保俶一片聲疑替戛岡朱珽綠駁出空囊
低眉欲現慈悲相透頂虛生智慧光何如盡變犁與鋤作甲
韜戈事耕作

抵家四首疊用梅岑韻

自信平生少宦情對山臨水眼偏明策科幸脫今生累詩卷
備沽後世名閭里不須猜畫錦階庭猶得趁冬晴殘年光景
盡收取唱櫓歌春到處聲

燈火連宵笑語譁車塵馬勃隔東華傳爐典大從頭數省親
期寬放口誇一壑一邱惟汝置半村半郭本吾家柳輕粥煖
都行樂除却當前事恐賒

芭籬短短約疎疎啾犬柝雞識敝廬排日工夫花重護漏春
消息柳先舒香風深巷鄰開瓮膏雨平疇客荷鋤懸想來年

春更好長吟遠眺定容子

扉櫺逕掃自翛然何必園稱小

小輞川錢秀
琴侍劉國居

環眉久憑妻與

子荒唐終斥佛兼仙碧芹翠韭還鄉味紅橋金柑度歲天只
媿曩遊筋力憊已難親蒔隔谿田

錢塘

字禹美號學淵嘉定人乾隆四十五年進士官江寧教
授有鶴原詩草

定林寺夜起

夢覺聞寒鐘起行向暑谷草逕露氣深流螢點修竹宿鳥栖
忽驚山泉斷還續余心愴無事徒倚至明旭

入室

房室總帷寒燈火炤虛位平生一杯酒銜哀爲汝酌依依外

老姑憐我面蕉萃謂我幸自遺生者固有逝卽看兒嬌好甥
意已可慰回指帳底女少小聰明最殷勤勸我歡語罷亦拭
淚秉燭遂至曙愴恨不能寐

倪雲林山水巨幅歌

野夫春晴獨微步有客扶筇訪村路登堂爲贈倪迂畫入眼
林巒莽盤互水墨雖黯淡蕭爽見天趣漫漫秋空雲揮洒滿
縑素悅疑置我蒼梧元圃間不然定是華廬赤城舊遊處遠
天極目磨青銅曉嵐無際雲溶溶游氛淨掃初日出翠巖縹
緲浮晴空暑間一瀑布蜿蜒赴壑疑奔龍衝林激石直下不
知幾千丈但覺耳邊喧轉生雷風山下艸屋結構同誅茅庭
是桑芋翁數家屋壁互依倚只有向背無西東是時秋老霜
正濃門前颯颯脫葉紅得非湘江二女偶過此至今斑竹留

寒叢倪迂澹蕩人托跡山水縣生平幾兩屐爛漫恣登踐豈
惟邱壑畫作殊跌宕襟期總堪羨雪甸灘頭放棹回銅官山
畔支筇遍雲林堂朱陽館禪榻隱蘘伴清燕我獨何爲負前
願碧樹紅泉日待人青鞵布襪行當辦

九日同嚴冬友諸景雲王少陵汪綉青楊上玉畢文

瀾金朱瑞登冶城山

時序易摧謝江山感物華百年幾令節名士半離家地迴日
沉樹天寒鴈落沙空憐一樽酒寂寞伴黃花

又次小赤壁下

孤懼沙頭泊西風蘆荻稀晚潮隨月上獨鳥傍船飛樵唱歸
林薄禪燈出翠微山村搖落候處處搗寒衣

春半

紅紫尙無信，萋萋綠漸遙。
嫩寒歸柳陌，微雨及花朝。
白舫隄邊水，青旗渡口橋。
賣錫時節近，幾處有吹簫。

送江月溥歸黃山

聞發滄洲興，飄然問去程。
寒波歸故國，短棹背孤城。
山近雙臺峻，江連七里清。
鐘聲雲際落，帆影鏡中行。
翠嶂天都境，丹爐軒后名。
未能同眺覽，相送獨含情。

寄諸佃榜

虎尾羊腸事可驚，頻年憂患苦相嬰。
絕交豈敢如朱穆，入世誰當恕禰衡。
慷慨帶刀豪士氣，蒼涼擊筑酒人情。
過都一蹶非無爲，習坎由來未易行。

依然落落吐長虹，燿燿何妨到冥鴻。
高卧樓頭元意氣，僂居跨下亦英雄。
命官磨蝎三生定，身世藩羝一笑空。
多謝故人

相慰藉阮生未擬哭途窮

沈周畫

幾家茅屋接漁灣
櫺鴨松林夕照間
憶得卸帆亭畔望
晚烟紅樹皖公山

程際盛

原名炎字煥若號東冶長洲人乾隆四十五年進士官
至監察御史有稻香樓集

蒲褐山房詩話東冶由舍人游歷蘭臺奉職三十餘年退食而歸掩關却掃惟以
汲古齋經爲務所著有說文古語考禮記古訓考周禮故存後能盡古文今文考
駢字分腋續方言補清河偶鈔皆有功於學者居京日久故不爲吳土所深知
然繼朱伯原俞玉君之遺軌者非若矣屬作詩會問業於歸愚宗伯緯有唐音

夜泊燕子磯

江真不可渡江風淒以肅
亭橈向石磯正傍青山麓
紅樹隱遙汀蒼烟辨崖屋
絕壁聳千尋窈窕結寒綠
鷺濤夜有聲觸

石浪仍伏扣舷不能寐
遐景載欣矚徘徊沙月生
泠泠葦花曲明日挂帆行
孤舟何處宿

舟次青陽雪

孤艇泝烟流朔風凍雲木
霰急灑烏篷雪深壓茅屋
杳靄入晴川淪漣淡溪曲
湖雲結空青林樹聳寒綠
沙灘驚雁飛太杪歸鴉宿
數葦圻寒梅千重映修竹
旅客契靜心虛舟空羅
東山陰與未乘秦鷗恣遐矚
渺渺暮歸人悠悠屏塵俗

暨陽歸舟懷葉麗農

離羣別鶴悵何依
水色蒼茫烟靄微
斜日風高潮正落
暮寒酒冷雪初飛
浪遊泛泛歸心切
去路迢迢旅夢稀
却憶荒園梅幾樹
幽香知已拂人衣

消夏次王西莊先生韻

蘭草侵階嬾未芟，此身長著散人衙。
竹花細影浮湘簾，蕉葉清芬滿葛衫。
靜坐團蒲聽梵語，閒凭方罍拭碁函。
不愁繫日長繩，少午景遲遲度翠巖。

薰風習習動微涼，十畝青瑤傍草堂。
紫筍新煎浮竹色，紅蓮早熟半松香。
蕭疎境別如濠濮，嬾慢人過盡惠莊。
一枕羲皇高隱几，悠然曉夢落瀟湘。

陸伯焜

字重暉，號璞堂，青浦人。乾隆四十五年進士，官至浙江按察使。有玉笥山房詩鈔。

虎邱晚憩同竹嶼麗農泛月歸

理策尋林邱，天寒氣候變。
入寺霜葉飛，聞鐘棲鳥散。
涼烟空翠交，夕霽明霞亂。
旂影護香壇，松陰靜僧院。
開軒有餘清，孤

懷自舒卷冷然竹間琴飛泉注幽澗

華月升林端陰暉延夕景鳴禽戛風籟修竹亂人影流目興
未闌揚舲夜方永野橋俯晴川游鱗動浮荇水氣生夕涼停
琴酒初醒卻眺翠微間蒼蒼亂烟暝

華山

蒼蒼嵐翠濃淅淅商籟肅泠泠御風行杳杳孤雲逐單椒秀
華趺秋容若新沐石牀枕雲棧鳥道入林曲竹木暗四山往
來稀樵牧絕壁劖空青方池淨寒綠天籟流笙竽風泉韻琴
筑林響蒼鼠窺梵靜馴猿伏懷新無近尋賞異得遠目雲影
晃游氛山花媚幽獨我聞千葉蓮服食可辟穀何如謝聲聞
松陰結茆屋

晚憩法螺

侵晨越華跼畢景向雲闕林壑非預期秀色紛攬結丹梯歷
由旬碧徑知幾折金地圍微瀾瑤壇翳深樾稍聞烟外鐘已
露松間月嵐陰夕復佳定香晚初歇泠泠千花鈴流響入寥
泠晏坐生道心習靜味禪悅一鼓風中琴微雲自起忽

白雲泉

山半聞清音偶隨石林轉文瀾蕩晴暉絕壁架雲丁銀華滴
千乳雪竇穿一線陰岷漱寒玉月竅澄素練潛虬靈漢涵觸
石碎珠濺浮采自晶瑩回光亦凌亂冥心憺忘歸水觀有餘
戀

題王繹如山窻掃葉圖

天宇澹寥聞山齋遠塵市尚聲入林葉槭槭墮階瓦紛然掃
更落校書差可擬之子愛三餘丹黃勘圖史豈徒注蟲魚亦

欲辨亥豕估異唾腐儒俗學陋獫狁慎莫享敞帚譚藝自今
始

春愁次韻寄熊筠淵

峭寒如水柳如絲觸忤閑愁只自知一夜餓春啼鴉後五更
殘醉落花時綠波南浦天涯路芳草西堂夢裏詩惜別懷人
苦無緒好憑魚素爲開眉

消夏

連朝梅雨漲魚在分得吳淞水半江高樹受風涼入戶疎籬
障日靜當窻雲開忽現青螺九烟暝還翹白鷺雙好趁晚來
明鏡裏菱荷香泛木蘭艫

苔痕侵徑不教芟一室觀心便隔几草際暗菴鳴絡緯庭陰
清露滴松杉偶思小憩揮蕉扇漸覺新涼透葛衫忽憶玉堂

天上境條冰久已換頭銜

史國華

字濟寰溧陽人乾隆四十五年進士官至吏部員外郎

有石淙山房詩

蒲褐山房詩話猶竇爲相因史文靖公從孫王子予主順天鄉試濟寰爲同考官望之温然卽之冲然其子溫藝遜爲相得清年儀中歲而破集中五言如山光隨星棹燈照寒高車袖欺知夢老樹入新秋濕烟分燕尾小砌長龍須種蕉宵聽雨採藥絕草食石邊泉脉細松下竹門深七言如山雲帶濕蒸茅屋溪雨添肥漲小橋富徑草深夾食雨橋嚴燕怯杏花風日影半從窗外過烏聲多自樹間來野水陂塘雙燕影落花門巷亂鶯聲池茶細浪迴魚網柳暗深村映酒旗皆有晚唐風味

送陳賡山歸山陽

夫子淮南去添人十日愁帆開黃葉雨江冷白蘋秋是處才名噪相逢氣誼投田園歸固好何以慰離憂

小築

小築向江干，秋光祇獨看。
片雲高岫濕，一雨暮春寒。
烟火伍茅舍，琴書靜藥闌。
幽棲無客到，隨分著衣冠。

深溪邨居卽景

我愛佳山水，乘閒到古村。
好峯園屋角，野逕入雲根。
生計依茶筍，家居聚子孫。
淳風安簡樸，披褐道爲尊。

雲陽驛

雙槳凌風出，潤州雲陽百里片。
時收練塘四面園，村鷓建業千峯對。
戍樓估客帆檣停，夕照江城鼓角壯。
新秋潮聲早晚曾經此，古驛扁舟起暮愁。

江行

扁舟直上接空冥，山勢盤旋四面青。
十幅蒲帆衝細雨，一江秋水盪寒星。
花深蘆荻高人隱，味熟蓴鱸客夢醒。
最是旅愁

消未得塞鴻淒楚不堪聽

湖海詩傳卷三十六

湖海詩傳卷三十六

三

湖海詩傳卷三十七

青浦王昶德甫輯

楊揆

字荔裳金匱人乾隆四十五年 召試賜舉人官至四

川布政使 贈太常寺卿有桐華吟館詩稿

蒲萬山房詩話荔裳借其伯兄才雄藻密世號二難張千禧之銅鑼門八尺之珊
瑚北爲黃真無以逾也然詩裝既已黃巾青嶺著嶺峯嶺而荔裳復以銅門而外
出鏗駁于里耳目所見得未曾有與前代文人精毫佩玉在淮華要者不同蓋造
化與區久而必強而窮荒曠地自嘉州昌黎之後紀載無多天或借翰墨以發其
奇南引地際海非偶然宜閱
之者如游絕域如酌異香也

熊耳山

名山古熊耳禹跡詳紀載嶙峋勢如蹲嵩華屹相對衆峯互
迴抱百里分向背中見雙崖披半壁色純黛車輪愁欲脫馬
力行苦德摩空磴道盤危步履齒礙疎花坼林紅鷺羽隨巖

翠下視浮濛流出澗僅如帶隨山三百折始與洛水匯中原
苦平行到此意殊快全秦收不得奇杳落關外長空捲層陰
絕壑忽晝晦飛雲入太行流影過衣袂因知二陵近風雨如
有待循途陟高岡勇進非敢退投足得山坳漫告僕夫瘁

青海道中

朝從青海行暮傍青海宿平野浩茫茫隆冬氣何肅懸軍通
間道萬騎誇拙速嚴霜拂大旗邊聲動哀角飛沙怒盤旋迎
面驟如雹時當澤腹堅海水匝而澗層冰搖光晶黯慘一片
綠或聞大聲發凍折千丈玉中流起危峯勢可俯喬嶽將傾
未領雲欲飛不飛澤云是太古雪壓疊如皸瘵出沒罔象形
吐納蛟蜃游西荒此巨浸洪流所瀦蓄卑禾百戰地秦漢尙
遺鏃蕭蕭古壘平兀兀邊牆蘊青燐風燭小白骨苔花駭夜

深駐戎帳東土徧境朔冷月懸一鈎荒荒墮厓谷嗟哉征戍
士辛苦離鄉曲試聽青海頭煩冤鬼猶哭

皮船

剝木製爲舟利用涉水可大如扁與航小或艇與舸鷁風蒲
帆揚沿流筏繩鎖指迷師用篙躡險工喚柁今來藏江側厲
搗測誠叵洪濤若奔翻巨石聳礮礮番人誇蕩舟舟小殊眇
麼外圓裁皮蒙中虛截竹荷淺類筩可盛歛訝筐欲鍤著足
當中央俯身戒側左形模呶渾沌軀壳僅螺贏傍岸任孤行
邀人祇雙坐俄驚層波掀真擬一壺妥駭耳聲錚擬眩眼勢
鬼矴附毛識命輕存聯嗟身癩相觸心毋褊羣爭指休墮微
生慣江湖到此良坎壈倘從魚腹吞寧殊馬革裹曾聞蕙海
航止泛蓮花朵彼岸幸非遙津梁勿慵情

索橋

山行阻洪流深廣詎可越兩崖兀相望怪石起嶒嶸飛空架
索橋鎖鈕危欲絕曳踵窘不前森然豎毛髮宛宛虹舒腰落
落蜿蜒骨迴疑匹練鋪窄抵長繩拽誰遣高梯橫莫挽巨箴
脫翻風乍飛鸞綠雲更曉隨手怯朽索捫足苦縮版裂前行
不得縱後武寧許突俯視逆流迸疾較飛電掣天矯龍尾垂
凌亂雁齒缺驅馭旣難憑駕鶴藹乏術拄杖心魂魂褰裳趾
兀兀杠非冬月成繩豈太古結艱危信多端絕險誰所設行
矣勿回顧中道未容輟側聽步虛聲長吟踏搖闕杜敢馬聊
題馭比王尊叱一墜無百年登陸股猶慄

魯工喇

陽達
隆宗

稜稜聳石角設險抵劍門雪霰零其巔草木亦不蕃徑仄復

斜注僅有屐迹存冰柱森槎枒袖手莫敢捫願借九火斲昇
以一炬燔庶使窮谷底飛灰轉春溫此志寧易遂徒與愚公
論柱杖三歎息誰爲收驚魂

丹達山

丹達山上有雪城山
神風著靈異異列祀典

昔聞茲山奇絕險今始遊玉龍何之而勢欲與天關連峯排
岬嶠寒色逼金宿突兀窮荒中陽和不能透想當鴻蒙闢鉅
手出極構石稜間缺齧嵌空琢冰瓚一片玻璃光千斛瓊屑
揉陰風中怒號虛響沸岩竇行旅慘不前十步九顛覆勇上
未盈尺陡落千丈溜躑躅馬脫蹄毳毼鳥縮味有時朝日開
如熨綃縠縹乍晴相激射到眼胥眩瞽我尋西荒經險阻亦
旣覲信知九州遙豈爲五嶽圓何圖歸程急到此空引脰人
言山之神靈爽茲妥侑陰靈變倏忽窈冥失且晝來從萬玉

如旋轉飄縞袖築雪如作城森寒巨靈守時虞長圍壓誰敢
孤軍逗狂飈一倒吹萬牛盡回首往往昏黑中不復辨崖岫
倏見神燈迎出險相引救我行日亭午千洞鳴玉漱幸值氣
暄和謂爲神所祐心怯卦習坎事喜象遇姤整衣拜鼓祠兼
以村酒酌視秩少桓圭升香無玉豆作詩誌茲行用當神弦
奏

飛越嶺

屬清溪縣

沈黎古邊郡頗覺山水惡凌晨過清溪迎面聳厓嶠元和置
縣廢遺址失城郭巋然峻嶺存拔地上寥廓艱危拔石磴百
折勢礚礚陰霾慘冥冥悲廉肆威虐囚澗伏蛟蜃騰空斷雕
鶻蒼亭見叩嶽修坂天際落蝮蛇何藜藜吐瘴昏且錯毒厲
能中人奚敢試徒搏共嘔尤峻嶒虹棟構飛閣莽莽控番夷

天然設局鑰西陲倚屏障造化非苟作險可一夫守隘豈五
丁鑿經春霜威嚴不夜燐火燭叢灌走魍魎穹岫嘯猿獲平
生跳盪心顧盼成駭愕著足藉蟠藤捫手怯朽索我欲圖真
形放筆寫岩壑縹緲無端倪方壺定慚作

星宿海歌

卽火教
關兒

平沙浩浩丕無垠黃霧四塞長風翻憑高極脉目眩胸潏泱
巨浸圻混元誰歟遠佩囊與韃直跨地首摩天根十步九折
愁攀援瘴烟黯澹旂旗旛我聞導河出崑崙貫納忽蘭兼赤
賓寧知一脈遐荒存灑氣磅礴相吐吞皇輿地載窮垓埏祀
典崇列肸鬻尊陳以貞禬投犧豚遠超岳瀆陵厚坤百泓所
進萬馬奔泡泡汨汨還渾渾沮洳洄洑失曉昏高瀉直欲浮
中原巨靈伸掌不敢捫蕃束幸藉山爲門陽烏味縮鼈足蹲

下穴龍蜃蛟鼉鼉雄吐雌唵卵育繁欲出不可層波掀霜颯
中夜迷征輶衆星倒景何焯焯車舍旒積勾陳垣大若懸甕
小覆樽分野莫辨牛斗痕有時天際生朝暎白毫萬丈慘不
溫玉龍露脊遙蜿蜿乃是太古堅冰嶂漢家使者辭帝閭遠
過大夏經烏孫枯槎安得通星源沐日浴月搖心魂鑿空或
乘鵬鷁我行陟險隨戎軒弓刀列帳千軍屯窮冬草落山
以髡斧冰鑿雪勞炮燔馬蹄半脫驪與驟車軸全折輓與輓
清角夜奏同哀猿壯士僵立愁還轅何如排風驅九鯤手握
斗柄凌雲駕下瞰大澤如盎盆倘遇博望毋卮言

聞伏羌警

三月家書斷迢遙盼隴雲塵魚甘寂莫風鶴又傳聞蕃部初
飛檄蕭關已勒軍山城如斗大雉堞遍祆氛

誓衆真倉猝何曾習鼓鞞當衝臨渭北走險越洮西乍放空
營鴟俄聞半夜雞儒生心力弱何計戮鯨鯢
聞說金城畔籌邊昔有樓旌麾煩上相劍槩領通侯好待援
兵集還看壯志酬長宵占月暈遠照海西頭

辛亥冬予從嘉勇公相出師衛藏取道甘肅時伯兄
官靈州牧適以稽查臺站馳赴湟中取別同賦並示

三弟

彈指三年別相逢却黯然煩君馳驛騎慰我事戎旃禁旅風
行速軍書火急傳天寒聽隴水出塞正濺濺

聞道烏斯國遙連舍衛城談空惟選佛縱敵竟銷兵搜括徒
輸幣跳梁敢悔盟 皇威震重譯叢爾漫縱橫

上相承方畧專征大纛開銀刀嚴部伍玉帳許趨陪愧未工

蠻語何能辨劫灰梯山兼棧谷前路劇崔嵬

作客身原慣茲行學荷戈窮荒春不到沙磧草無多健翻摩
蒼鶻明蹄騁紫駝莫持青鏡照雙鬢恐先皤

臨歧本倉猝欲去強逡巡制淚各無語加餐惟此身衣裘煩
料理童僕勉艱辛纔作連牀夢鷓鴣又向晨

伯兄以守城功保舉久遲未得入都寄懷四律

秦鳳涇原路幾千沉魚翔雁兩茫然孤城兵火存三日絕徽
風波近十年東走河聲環木峽西來山勢接祁連官程屈指
應堪數消息誰傳到日邊

五載慈顏一笑問板輿先御向燕臺自憐薄宦長安住反累

衰年遠道來話到存亡俱有淚學和姊文和以
兒俱歿于伏暑身離憂患尙餘哀

輸他兒女齊誇口曾聽嚴城戰鼓催

風前心緒劇懸旌，欲枕中宵夢不成。豈有池魚驚失火，休疑

社鼠更憑城。

時聞伏兔
破樓被火

防秋事早煩籌策，行部威猶費送迎。曾

記輶車西去日，有人韓范許平生。

蔣心休先生送行詩有善者與竟
空言耳韓范功名在此行之句

三山縹緲隔塵紅，破浪雲帆會許通。詞客今能談出塞，才人

俱艷說從戎。鳴甄計就心真壯，磨盾詩成話更工。

見有伏兔紀
事詩一百韻

何日對牀風雨夜，重提舊事一尊同。

呈大將軍福嘉勇公

微外軍書午夜來，將星又見動中台。九重授鉞先聲壯，三

十登壇衆望推。佩印密承宣室詔，分旗盡典羽林材。路人

爭問嫖姚貴，此是專征第幾回。

暫駐牙旗大衆歡，籌邊樓上倚闌干。中宵鼓角橫戈聽絕域，

山川聚米看燃燭。兩行分草檄解鞍，千騎會傳餐

時調索倫勁
旅前抵前敵

須知上將能持重姓氏先令賊膽寒

袴褶蠻鞋結束輕容參幕府學談兵
摩雲遠過閩浮界計日應收的博城
麾下偏裨皆壯士軍中禮數到書生
驕驕感贈銀蹄迅得免長途款段行

余程行青海馬力甚疲公以所乘馬予之甫得遂前藏

趙懷玉

字億孫號味辛武進人乾隆四十五年 召試舉人今
官青州府同知有亦有生齋詩鈔

林屋洞

湖寬地肺通土裂山腹厚初猶龕可容漸覺釜低覆蛇行辭
杖策蟻伏嫌襟袖驚窺左右轉駭石首尾闕陰陽異旱潦明
暗雜昏晝撲炬起蟄禽夙跡闕陰囂金庭企巖威石函虛象
猶始疑造化洩轉怵心志陋奇遊倘可續敢惜疲驅復

登焦山

焦山不見山，積翠天際浮。挂席指海門，乘潮達巖陬。初升巖而曲，漸陟高且修。樹陰清晝羃，木勢層厓樛。瞥然露微鱗，驚踏滄波流。身輕失久疾，地曠蠲煩憂。是時天宇肅，萬象澄清秋。蓬瀛氣東至，呼吸如可求。俯視松與寥，下等土一坏。決背鷗隼疾，墮魄隨隨游。景澹欲沉亞，風凜難留真。人向我招，乘騎駟玉蚪。

曉過羅喉嶺行十餘里憩潭柘

山曉日未高，白雲羅如帳。花明亂殘月，十里同一望。籃輿陟崇嶺，人面森列嶂。忽然青蒼開，金碧落天上。不見栢千章，猶餘松十丈。碑留明目刻，寺溯嘉福創。泛觴隨波流，折竹引泉漾。風來殿鷗翔，鐘動篋蛇放。遺蹤半泯沒，過客猶想像。憑高

俯傑閣陡覺心眼暢一拳峙中央九峯互環向日光亭午低
石色不肯讓閒房晝如年坐卧空色相山僧謂余勞早具伊
蒲餉

七月十四夜京口對月

入秋毒熱苦未減况復東體投孤篷今宵乍得泊洲渚披襟
獨受涼颺衝蒼山如煙散波面皓月作勢升雲中白氣空涵
一天地金花碎迸千虬龍老僧臨江口持咒倚佛自說無邊
功楊枝露潤鬼界黑菡荷燈逐濤頭紅風流千古此淘盡直
欲粒米招羣雄騎鯨太白去不返抱月思躡仙人蹤茲行日
遇石尤惡塔上鈴語仍顛風三更露重入篷底夢醒正打金
焦鐘

題文信國書爲錢唐鮑文學

廷博

書凡三百四十七字前幅已缺文載清河書畫舫向
在李中丞鹿山處今歸於鮑後有一峯跋語謂空坑
敗後所寄一峯不知姓氏小印署水蘂二字或云宋
遺民也王光祿鳴盛以書中入汀一語疑之辨其非空
坑作其他跋語頗多皆近人故不及焉

半閒堂築西湖幽法書名畫傾公侯木棉菴中攜不得半作
劫燼無人收當時豈索信公書至今尺紙逾天球鮑生家亦
居湖濱物不貴異惟其人牙籤錦暉幾千軸得此謂可空其
羣寥寥三百冊七字空坑敗後從容寄幅殘似耻瓦欲全色
淡還思淚深漬已教八口墮虎穴忍令孤城怯螳臂間關久
置成敗筭頽仰尚兼家國計臨危示法先示信檢點殘軍收
剗印人亡縱失將伯助天意不教以疾困

公書云在瑞金
一病甚可憂

可憐覆

巢難復全生兒天折女弃捐魂從朱鳥返天上心照青簡傳
人間傳疑傳似任史臣黃冠故里恐非真况爲曲筆拚正氣
大元草命邗維新浮蹤偶向閩海寄聚訟空若鴻溝分如公
可死死亦矯龍首黃扉致身早歿殊葛公節義傳生勝睢陽
宰輔表後來豈少登科名豪華但學公平生讀書不識忠孝
字翰墨亦稱稽古榮

請水詞

毘城東有白龍祠每旱太守率官吏往禱迎池中水
歸問卽得雨謂之請水也

天陰黯黯雲蓬蓬樹頭吹盡東南風立秋半月到處暑五日
十日仍不雨有時屋角雷聲小雷聲未終日杲杲小兒入市
執柳行常俗時雨作柳隨行市中小兒折柳隨之農夫坐隴嗟苗槁攜苗報縣求勘災官

賑未發徵先開朝聞阿殿門外過云是請水城東來城東祠
宇祀老龍蒸香山積寶炬紅老龍善睡兩耳聾勺水不敢貪
天功官民束手兩無計蝗旱此邪亦神意昨日禁屠今宰羊
太守縣官賓在堂

水車謠

水車聲晝不止赤日烘人皮肉死水車聲夜不息官河日乾
水一尺河乾難致百斛船柴米添價鹽添錢青簾官舫上流
至一泊三日空沿綠兩岸農夫不停手長鯨怒翻渴蜺走關
南有雨關北晴關蘇松
旱雨天意獨吝吾鄉久君不見東南饒富推
淮揚去年河決今年蝗彼民悔不生此方水車雖勞何足傷

長毋相忘漢瓦歌爲張舍人填賦

秦宮已灰漢宮作靈臺置酒面寥廓凄然誰使漢王憐其舉

當時薄姬約王家歌舞稱平陽承恩特賜千金裝一朝上車
入宮去拊背但說母相忘漢朝故事有如此片瓦銘辭誓終
始毋忘若比天久長長樂長生皆妄耳甘泉忽譴拳夫人秋
扇風多華殿塵君心反覆那可恃少翁空致帷中神鴛鴦易
冷琉璃脆滄桑幾見秦山碎瓦乎土質獨能全中有多情萬
古淚色帶霜華形滿月四字分明辨豪髮銅爲沓冒玉作階
曾蓋何官覆何闕爾來好古集良朋金石搜奇得未曾昨見
封官傳舉契早聞鈎弋出遺鐙侯官林昔作瓦鬪記排山宋
近日尤能事如何倚撫尙見遺天意將爲舍人賜我交舍人
近廿載素衣漸化朱顏改寒慙風雨一摩挲車笠前盟宛然
在好裁璧友伴愁吟舍人製
瓦爲研莫問蘭池與上林鼠鬚成塚魚腹
盡歷劫難磨耿耿心

宣和琴歌

爲莊英明府作 琴名
琴玉背有宣和御寶印

宣和古琴善形製背面斷紋蛇腹細黃金爲徽玉作軫秘印
依稀鐫四字秋風颯颯黃鶴哀良工方選陰陽材此琴是否
百琴一誰與伴者惟春雷當時定樂委方士更出樂章重郊
祀朱絃疏越一再彈居然解慍歌風旨君王玩好無不精法
書名畫紛縱橫殿名易在改元後念琴進御非承平

按宣和殿
有百琴堂

宣和元年改宣
和殿爲保和殿

人間不聽元音久忽入南華散仙手錦囊高置郭

公磚良物從來必有偶然香試請歌一曲短側長清相斷續
響泉瀟瀟磬琅琅銘背信堪呼憂玉虛堂漸覺悲風生凄切
不似從前聲平沙萬里塞雁落想見去國蒙塵行勸君聽琴
且莫撫世人但解耽歌舞知音遙選在幾餘避劫茫茫思太
古

琴

君不見會稽陵破見穿雲弓劍何人葬故君飄零更有

汪供奉操出思歸不忍聞

景州

遙指隔谿塔驛車過景州春光先在水暝色欲歸樓燈市新
年盛人烟近郭稠賢良誰第一故宅問山邱

晉口伍行人祠

夜烏啼罷冷宮梧祠墓千秋尙枕湖蹤跡已開游俠傳山川
空負霸王圖入秦七日偏存楚報越三年竟覆吳猶有未忘
恩怨在怒潮如雪動寒蘆

留別都門諸子

去住真知兩不堪且尋鄉夢返江潭下車事已同馮婦絳屋
心誰信魯男聽到悲歌先自淚傾殘薄酒未成酬故人知我
緣親在寄語夷吾設譚食

三日風光茂又新平生未識
帝城春空羣鷲北難爲馬
捷徑終南況有人彩筆久疎江令夢素衣空惹庾郎塵
隨前檢點更炊具合是勞薪作後身

任邱追悼李先生

中簡

宦海歸來松鞠殘重過槐里夕陽寒一經鄭重頻題篋

先生無子

三黜蹉跎到蓋棺僦屋屢愁生計短賜園猶憶主恩

寬

乙酉夏
西地登裝圖

刹那甘載傷心事門下彭宣淚未乾

劍門

斧鑿何年到五丁攢如鋒鏑列如屏通天箭栝層層黑出匣
芙蓉朶朶青西蜀地形勞夢想北宗畫法見遺型只嫌拂水
無聲久願借山靈風雨聽

哀張三舍人

張

昨歲書來今乍報忽傳惡耗自長安汗青手定千秋業垂白

身終七品官

君以己丑入中君今二十年矣

老蓬客懷孫抱久貧憐遠道殞歸難

春明舊會頻傷逝

歲辛丑間人有詩酒之會爲門卒餘兩前從相繼謝及君而三矣

存篋遺詩忍重看

王鼎

字祖錫號條山江南華亭人乾隆四十五年舉人有蘭

綺堂詩鈔

擬韋左司寺居

城隅厭鬱塵林巖釋躡縛偶謝郡符繁遂茲禪扉樂松風謾
謾來山月墮秋壑澄懷物我閒萬慮渺何着至道趨衆形有
無泯垠塢智士出于機靜者得所托悠悠元契初中心安澹

泊

鹿城秋夜對月偕秋渾竹嶼德甫習菴分韻

碧漢散清景蒼然夕靄昏相攜坐明月捉席秋梧根落葉紛
以積棧禽時一飏何人弄橫竹離思滿前村

謁袁海叟墓

一代遺才出處難感懷殘禍夕陽間魚龍有地潛東海猿鶴
何人誚北山老鐵千秋知已在

白燕菴成爲
鐵崖故賞

青邱幾輩故園還

公得以見
幾免禍

蘿龕風節期誰伴

明李爾崧先生
亦曾遊跡於此

展謁能生壯士顏

舟經太湖口

雙帆剪破碧玻璃秋色空濛望欲迷七十二峯何處好夕陽

一角洞庭西

汪學金

字敬箴號杏江鎮洋人乾隆四十六年 殿試第三人

及第官左庶子有靜厓詩初稿

湖海詩傳卷三十七

舊山房詩話杏江為持齋少司空哲嗣襟抱既勝才調彌嘉標格則玉樹瓊枝詞賦乃金荃蘭畹所鑄初簡已有得州州烟月江左文章之日最工駢體為余撰三湖漁莊詞詩序時誦其工既由詞館游陟宮僚兩次請假南還世俱嘉其雅尚所濟靜雅小築水竹掩映樓臺動定其聲愈證儼然世外朋蒿中如武林潘侍御庭筠同之餘人莫不慕也茲其夙植淨綠者深矣

秋日同朱元圃晚步南園遲王蕩夫雁湖不至

秋容媚夕景幽境結遐想佳時愜勝尋清遊惜孤往將儔覓
素心探遠獲元賞雲霞氣澄藹原陸勢蕭爽亂流散石淙細
路伏榛莽林壑迭映蔚軒除坐超朗陰厓露氣凝寒圃月容
廣閒庭一葉投悄壁百蟲響素節憚倉祖前遊憶曠曩願言
敦古歡毋為役塵網志合跡自親義字道豈在攬衣望停雲
却立增悽悽

延清軒觀大理文石為張萼聯賦

春陰三尺低壓橋虛堂雲氣春氤氳延清軒中貯文石漆匣

乍啟爭窺覘骨節堅潤色蒼碧文理刻畫皆精巖荆關闕筆
寫不得天然靈氣成飛巖巖端仙人鬢毛綠玉芝瑤草雄筠
籃巖下清江清見底遊魚連尾依澄潭樹石禽鳥盡形相物
態栩栩生毫尖四座拍手叫奇絕賤子據案摩抄三平生好
玩百不入此物竟使成奇貪米公攫取吾豈敢平泉秘惜君
何慙此時老梅花撲簾社酒百甕開醅甜但得主人日召客
芒屨踏破南城南

新晴卽事

雨歇平蕪外舟人蕩槳喧魚蝦江上市雞犬水邊村官驛三
千里春風廿四番梅花將落盡玉笛最銷魂

北河舟次

平野連天潤長河帶郭斜客程遲候燕暮色上歸鴉烟柳低

垂岸春潮淺露沙直沽七十二是處酒人家

過趙北口

燕趙中原地蒼涼獨客過西風吹易水落日下滹沱大澤龍
蛇動荒原鴈鷺多市中屠狗散無復有悲歌

清江道中

古渡綠陰低人家半水西叢篁當路密幽鳥過村啼衆澗歸
溪合羣峯傍堞齊夕陽多暮色蒼翠使人迷

芭蕉

爾亦工愁者村依倍有情自然含雨氣容易作秋聲昔夢成
何事空中笑此生小窗三葉後且與醉鄉成

舟中見月

月出照汀洲江空夜色幽星河低浦樹風露近離舟亂葦漁

塘夕涼螢水驛秋我行殊未已信美不能留

初春重遊百花洲有懷陸輕桴

重到同遊地浩然懷故人鄉園歸遠客江國看初春南浦風
光霽東湖草色新應知婁水曲樽酒話佳辰

七夕旅懷

天末起孤愁明河入夜流今年初作客此夕最悲秋南國無
鴻雁他鄉見女牛更誰吹玉笛雙淚落盧溝

晚至汶上縣

晚路貪新霽行行送夕曛亂雅先客宿歸雁入春聞浦樹明
殘雪村家隔暮雲思歸汶水淚不到楚江濱

同述菴司寇游海寧寺因至弇州山人祠歸憩小齋

卽事三首

步屨來初地，朋簪集上方。露齋僧供潔，水觀道心涼。隣竹分清蔭，池荷遞遠香。因從桐川老，一話舊漁莊。

海內推詞伯，瑯琊大道南。文章存四部，第宅失三弁。淨業祠

依刹，元風觀記曇六時結禪誦香火舊情諳。

時議修葺祠屋即於左方重建曇陽觀以

僧守之

自笑衡門下，居然銷夏灣。周堂三面水，支閣一卷山。客塵蘭言美，仙杯橘趣閑。行藏無異撰，風浴詠歌還。

過桐城左忠毅公墓

羣小要孱主，孤忠忤大璫。清流成黨禍，冤獄借封疆。北寺朝臣盡，東林士氣傷。龍眠山色在，常照墓門旁。

胥江夜泊同存塘舅氏曹南枝先生登萬年橋望月
胥口驛前風露饒鐘磬，漁火劇魂銷。月明子夜誰家笛，人上

吳江第幾橋，舊雨漸成萍。跡散春風應，惜馬蹄遙綠。知一別
愁如許，剪燭逢臆，話晚潮。

卽事效松陵體

梅花將盡，柳將絲，蝶躰鶯嬌。作意遲野圃，未鋤留菜甲。山泉
新汲試茶旗。春風烏帽，花間酒夜，雨紅燈竹裏。棋取次江南
樓笛候家園，孤負踏青時。

初晴丹發苦竹洲

苦竹洲邊宿雨晴，江村風景近清明。柴門流水山棠發，戍壘
斜陽野薺生。社燕歸時春社散，潮雞啼處午潮平。兒童踏慣
青溪路，倒跨烏犍旁岸行。

晚秋感興

江樓東望俯三吳，落照西風彭蠡湖。鄉信又聞荒稻蟹，今歲江南不收

客懷何處覓蓴鱸晚霞圍郭山深淺秋水連洲雁有無最好
郡齋吟咏地不教詩興敗催租

初夏晚窗卽事

芭蕉影裏坐攤書但得清閑百不如新綠簾櫳春去後淡黃
庭院月來初荒齋速客三升酒小圃歸童一剪蔬休笑十年
塵網內依然清夢到樵源

皖江道中

潯江西去皖江東席帽征衫笑轉篷山鷗數聲松葉雨溪蟬
十里藕苗風旗亭賞酒紅花綠村店題詩蠟槌紅明日燕雲
南望處吳頭楚尾怨青楓

觀春明夢餘錄載黃石齋先生事

頑懦能興百代風當年直節表青宮崎嶇絕地文丞相憤切

危言汲侍中萬死邊關思補袞孤軍海嶠殉遺弓 聖朝

明詔憐忠義青史成名荷大公

書侯朝宗先生集後

梁苑遺編迴絕倫英名奇氣未全湮少年濁世佳公子垂死
清流舊黨人直以文章禮馬阮肯將名節負吳陳風流江左
傳遺事爭唱桃花曲部新

懷上海施秋水

天人策罷動蛟螭海上才名早夢蛟賦命屢愁磨蝎限得時
初應漸鴻爻機雲京洛稱佳士孔李門牆託密交聞道秋風
理歸棹尊鱸話舊掩衡茅

曾煥

字賓谷南城人乾隆四十六年進士今官兩淮鹽運使

蕭謁山房詩話：蘇揚爲南北要衝，又有平山蜀崗、虹橋諸名勝。故士大夫往來者，輒輿笈履，徘徊旬日而不能去。爲二十餘年，見船投轄地，主無人，每有文酒寂寥之嘆。賢谷則東閩之標，集南都之彦，子門下士，被其容接者尤多。而學紙揮毫，散華落藻，擅過禮館詩雨集，遂費兩月，爭雄江山，生色。

擬游焦山不果却寄王夢樓太守謝薌泉侍御胡黃

海學傳以江流天地外，山色有無中。分韻得天字。

海嶽庵中今米顛

調

飽餐山綠吞江烟，雙峯勝處口能述。過

我屢結游山緣，我行有期已神往。况逢使節開江船，謝公清

興善吟嘯幕下客，又能詩篇

調

瀕行與我三日約，神其鑒此

惟焦先蓬萊方丈多飛仙，凡夫欲到風引還。恨無彩虹亘萬

丈，化作飛橋長駕天。我生性僻愛山水，來官茲土宜最便。轅

車何乃太刺促，咫尺不辦雙行纏。道知公等同拍肩，朝嵐夕

沙景屢遷，別銘好趁江水落。問鼎驚見雲雷旋，華嚴界現海

雲相羅漢，岩有金剛禪。斯時念我定譏笑，山靈見怪奚辭焉。

坡公懷慙意獨往不退未肯因無田嗟我胡爲在塵滓爛廬
誓卜雙峯顛

遊慧山飲第二泉有感

不及鑪塘今十年

丙午冬試泉于此

胸塵萬斛無由湔眼明江上見九

鵬我似渴驥來奔泉泉底山光青倒出泉邊水洞風蕭瑟在
山泉水竟常清照我容顏非昔日山僧爲我燒竹爐示我孟
端漁隱圖品泉讀畫心眼豁便欲相從漁隱居我家麻姑神
功水釀爲冬醞清且旨吾邑釀神功泉將之麻姑酒自謀食肉出山來不飲亦
經十年矣年華逝水乃如斯歸買薄田幾時始

真州準提菴老梅行

白沙江村有老梅百年劫火餘枯荻春風一夜忽鼓動玉筍
旁迸千枝開天地有心試冰雪龍蛇偶螫驚霆雷今人爭繞

月觀樹往日誰踏僧廊苔廿四橋邊萬花海我無暇去翻遠
來名姿往往寄幽獨相賞故不從塵埃疑是仙人萼綠降返
魂自得真香催惜無酒酌花前杯參橫月落人空回

瓜洲登大觀樓記所見

樓前破浪嘗鼓檝樓上旌竿望中出平生意興豪登臨風利
帆飛竟何及夜深怒噫阻瓜步曉起荒城拾苔級振衣忽與
三霄摩俯首便同衆山揖蕭公北顧此南望六代烟嵐盡收
拾是時海門初上口西北浮雲飛斂集江天瀕洞如黃昏一
線電光吐還翕雷聲撼崖崖欲走雨勢掣水水皆立潮汐疑
爭齧龕放金焦恐作羅浮合喬柯併力猶垂垂浮圖裊空頗
岌岌不知神鬼何往來祇覺乾坤徧霑濕大檣森竦餓鴟叫
小艇伍昂浴鳧入樓中立脚愁傾欹衣袂輕吹向江急反看

僕從色黯慘警效無聲但噓吸方春二月發陽氣宜有蛟龍
欲啓蟄我來相值亦偶然弱此大觀記篇什

題宮娥乞巧圖

新月微黃露華白樓臺迥與明河直一縷爐煙裊空碧諸仙
綽約當風立何代宮娥乞巧夕神光奕奕瞻九霄鬢蟾飛動
顰蛾嬌人語不聞衣帶飄冰肌此際愁單綃別有深房銀燭
燒銀燭相看兩神女似說炮媽常獨處但見明河不見橋雙
星今竟在何許牕外梧桐滴殘雨

注梅村訪道圖

一路飛泉響樓臺隱暮霞不知春幾許開遍碧桃花有客扶
叩竹尋仙餌玉華嗟予求道晚婚嫁願何奢

東臺道中

小邑無城郭村園衆壑深地卑秋不爽海近晝多陰野艇因
魚活荒田費雁尋水鄉生事儉念此一悲吟

正月十二日探梅鄧尉

昨日信風來癡雲爲我開前數日甚雨十日立春始晴鶯聲過茂苑草色發蘇

臺小巷綠村曲羣峯與花廻忽看花倒影舟已繫林隈

處處載春塢家家向水扉橫枝從礙路香霧漸霑衣慙石憐

青蘇扶筇盼翠微此時幽興極老圃欲相依

上方寺看梅

山門掩修竹殘雪在庭陰此地罕人到梅花香獨深春生前
代土客感去年心小飲竟成醉徘徊月滿林

贈王述菴侍郎得告歸里

纔看飛旆覩明光去年侍郎假滿赴都程過亦上旋報懸車返故鄉一代勲名在

麟閣五湖烟水占漁莊

侍郎有三經師
如漁莊圖

經師盡滙先儒義名士多從

弟子行他日吳中成洛社白頭司寇醉吟長

汪容甫輓詞

兩篇述學世空存

容甫著有述學內外篇

茲事憑誰更其論生有狂名過

阮籍死無弔客似虞翻杳然東閣花前影凄絕西湖雪裏魂

容甫卒於杭州

重檢蜀州人口句滿箋遺墨是新痕

今年人日遊蜀州

種竹

舊日叢生竹清陰亦頗饒場師嫌養小春鳥欲遷喬鋤出三

弓地移來百尺條護根纔累土立節已干霄門逕全疑碧樓

亭更覺遙響令風有韻影待月來描柳拂新添態花穿越助

嬌帶霜猶矯矯無雨亦蕭蕭借爾能招鳳求鄰莫瘞貓

竹首於隔

培埋死貓則

爲竿經幾歲成町即今朝鞋底防萌觸衣邊看粉飄

敢言千戶等庶共七賢遂當暑休愁晝聽秋好度宵安排碁
局坐添得酒香澆儼惡風人詠從教律呂調

浮山禹廟聯句

淮海惟揚州禹功所排決三江古統名

會

一郡今獨轄念茲

處塗泥

吳

宛爾在營窟孰障湍干迥

將知

徒恃土一撮列岫奔

長江

胡

如龍赴巨渤何時掉頭過

此

地片甲脫側聞黑墳

起

黃

正值洪流割浮玉勢若浮

拔

山力難拔遙分城子尊

變

陳

近與蜀岡兀蓮花涌地肺

郭

鍊柱撐石骨鯨戴蓬萊峯

鷺飛香閣嘯詫異同博羅

何

傳疑比郁鬱交州石豈沈

慎

縣榷不沒瑒瑒泗濱馨

肅

汎汎龍池鉢恐由夸娥徙

知

定受

神人撻衆响安得漂

森

息壤故能過永惟刊旅勞

梁

實使昏

孽活篠筠敷益饒

都

瑤琨產無竭筐篚具織貝

肇

島夷安卉

葛有厝崇報功變以時肅展謁模猶傲茨土莖美但飾冕黻

畫梁欲通靈因鑄鼎亦象物虛壁驚生雲錦大珪仰如月薦

果宜包袖煥膳羞戒用鱉纜藉玉曰瑚節案盛豆以揭兩階

列干舞知九奏想球憂湖自岩岳齋森於時石簣發四載異

所乘詩六扈均所察庚辰助淪注郁豎垓周垓北導水淮獨

艱望倒瀾江最潤黃龍既曳尾變支祁復穿頰然後瀉流沙

莖以次闕伊闕厥壤成則三閩于外歷年八綏綏歌新婚綿

呱呱泣遠別豈惟手盡胼煥不覺胼無腋始藏洞庭簡肅更

立响嘍碣山海成圖經知靈怪極荒忽或爲有脊螭森或爲

從目秣或爲無口鵝梁或爲比肩鱗或鳥翼而魚章或人面

而猶日或炙女丑壁雨或止女魃神或司羽民變類或號蠶

姪雷獸或鳴夔莖貳負或受桎至今喜傳蔡閩八厝尙髣髴

風雨紛欲飛

錦

埃塵罔敢拂府事允修治

煥

聲教斯暨訖旱

拜子何言

蘇

帝曰汝不佞作服兼作會

讓

納總還納結龜負

洛水疇

森

烏耘會稽墜食報宜孔張

嵩

明禋曷嘗越相沿宋

代觀

那

共誌梁時場昨者吾山平

聖

幾爲大河汴澤陂思夏

甸

變

薪屬迫冬日賴彼典則貽

聖

感茲屏蠻達隄根捷竹半

鑑

因

水勢放渠豁澤國慶平成浮山永不謫

煥

古赤刀聯句

有容懷寶至繼函玉徑尺色伴禹錫圭

煥

名取用命冊不以

五城當

吳

使爲萬人敵溫其貴仁和

煥

礪乃用剛克精從委

然孕

徐

靈變滄耳赫執此元璣元

煥

謂之赤堇赤一片橫烏

雲

煥

幾時化虹霓輕永翦其峯

煥

平砥亘其脊其本經綸支

堂

其

陰頡籀畫缺痕如月牙

煥

鑿竅類雲厖

右

良工匪斯

今嵩寶器問在昔粵若周王釗煥輔之太保奭上宗奉同瑁

爐西序設宏壁言念先君公肇堂丕休肇王迹干戈載啟行嵩

鞞奉具容飾越惟賜彤弓嵩逮及動黃鉞腥聞滅輕呂名紂劍

艷體授小白武成戢而燿煥毒球劊若剔維茲赤刀藏肇久

隸典寶職膏塗驛剛爨嵩鋒令虎威辟西京雜記黃公少時能卸虎佩赤金刀陳器

在雕几嵩流輝射篋席用彰厥聲靈煥所重斯手澤繁誰割

虹光煥倣古作露拍采從黑水中肇言鑄赤冶側後魏昭武帝事以晉

棘楚瑤嵩媿宋斤魯削叶有聲戛球磬嵩如鑑濯絲髮腦繁

雞冠比煥鱗脫蛇尾滑珍宜並枝斯煥勇不藉椒亦戰國勇士名

聖朝治偃武肇君子貴比德獻寶來于闕嵩貢刀鄙大食

誰數戎衣勳嵩已邁干羽格採入博古圖配之鼎彝煥

十月初八日夜集題襟館

湖海詩傳卷三十七

三

冬暄陶令辰地敞適高館纖月升上弦

青浦王昶

小春叶陽瑄梅信

東閣催

李賢陳廷慶

斗望南豐喜欣隨杖履來

婁縣揚之頌

尋碩車騎滿昔

雨今雨倍

曾煥

湖雲海雲緙弱冠與風浴

湖清山南城吳道

耄齡勤瑟個

謝靈運詩盟長不寒

陳

宴席此相煖飲分大小戶

餘榮

沐值上下澗

晚蕊翠盈盤

婁縣王蔚宗

殘菊香入瓊悄悄漏水長

張彭

搖搖燭跋短

樂意陶斯詠

俞國

醉顏笑而莞方請題襟題

元和將微

共矜辨才辨

賢主振風騷

利

諸生侍闕侃評詩沿謝朓

延慶

隸韻陋絲慚篇

常翻水成

之

句似連珠演月弄兼風嘲

煥

露鈔并雪纂樂府

宣正聲

趙

禪宗具法眼見善如不及

變

聞歌必使反羣依玉

界尺

聖

爭踏鐵門限船爲張憑喚

詩

榻因徐儒展宗風倡廬

陵

彭

仁問匹荆峴洪惟大雅材

魏

敢謂知言選自顧類砥硤

微

終應比瑚璉老夫荷久要

相

賤子申中款飛雲石作供

八座巽石贈

都轉 廷慶 落木 硯新 盥

蘭泉先生贈都轉 硯名落木

義托他山交

之 顯 珍 添 子 墨

伴蘇銘僕未能

煥

顛拜公不免傳觀懣朋懣

熒

錄別張祖餞

來爲十日留

髮

歸去九峯遠

蘭泉古華兩先生俱言歸

潮生荻洲寒

紫

霜落

楓橋晚米舫臨米書

古華太守所居齋名

漁莊澗漁隱

蘭泉可冠有三漁莊圖

蹤跡

萍合乍

彭

阻長水湖宛共期令名崇

國

毋使芳訊斷良夜何

厭厭

微

華年惜袞袞君以後期申吾非興盡返

和

陳廷慶

字兆同號桂堂奉賢人乾隆四十六年進士官辰州府

知府有古華詩鈔

將之長沙舟中作

雲低嶽麓陰帆挂銅官渚山雪瞬空明水天澹容與我欲弔
沈湘飯筒雜角黍三戶縱亾秦九歌尙悲楚臺榭非襄王江

潭但漁父水濯滄浪纓瑟凭湘靈鼓鶴羽翻縞衣雁聲似柔
艣一往烟波深滔滔自今古

枕上聽雪口占

雪澤冬來少詩人句不成夜寒方料峭風定益凄清病枕聽
猶細山窗映漸明疎慵朝未起髣髴郢歌聲

舟行天心湖玩月

春江歸棹駛載酒愜幽尋一雁橫空唳迢迢千里心輕帆張
月夜遠岫落雲陰欲問升沈事漁歌入浦深

虛白樓

在河漢山
太和觀

細雨沐春山樓尋濕翠間坐來虛室靜看去白雲閒竹裏高
人卧松陰獨鶴還幸當明月影清夜對孱顏

借葉桂樵中翰新訪社亭銓部雨中留飲薄暮登廣

仁嶺乘月而歸

雲釀雨濛濛人來空翠中
磬頭山色變婪尾酒尊同
漸覺涼聲少還欣晚霽通
三人蹤迹合一笑印泥鴻

踏遍西郊路山陰似此無
遙天千嶂合落日一亭孤
俯壑心猶凜凌梯膽轉麕
回輝看未上重爲跋須臾

舟次呈述庵先生

靈光公望峻榆枌玉尺以量舊著文
蒲褐辨香容屢接寒山鐘梵又同聞
五溪向說灘聲惡萬嶺能將筆力分
時讀公漁述紀遊詩

聖臨闕勞送客新詩首唱倚斜牕

同送芸蕪宗伯公詩先成

楊倫

字西禾陽湖人乾隆四十六年進士
今官荔浦知縣有

九栢山房吟稿

獨樹山房詩話西宋德裕溫醇如太圭不殊太英不和望而知為儒者生平論學以不敷為本主武昌江漢書院七年其門下多弊而信之撰杜詩校註實能照見古人心跡足與朱鶴齡上下

過廬陵弔文信國

半閒堂中蟋蟀鳴遂令鞀鼓東南驚崖山風雨事懷絕尚有
一老支餘生文山大節高喘噪一簣無由障江決辛勤萬里
覓遺孤屢敗非關用兵拙孤忠百折不一更獨有正氣留中
橫當時生弔出炎午公豈曰激成其名取義成仁符續誦得
賢早賀天門狃蓬萊首選歲有人如公足為科名重江外蒼
茫對夕曛千秋碧血剩孤墳慟哭冬青遺記在至今猶憶謝
參軍

述菴先生三泖漁莊圖

伏波銅柱標扶胥鄉里憶乘下澤車丈夫報國經綸舒至樂

終遜歸田廬先生盛世稱璿璣文筆久壓幹與球復嫻兵法
窮穰苴大軍西征翩旒煥元戎借箸等邊儲燕歌慷慨草檄
餘陣左曰啟右曰朕指畫了了髮就梳黃茅黑箬途崎嶇萬
騎蹂躪陟彼祖堅營蔕掃管擣虛遂空賊巢擒魁渠叩符始
得安耕鋤師還迎勞降玉除卿班累轉飄華裾助燦天壤文
淵如盤錯歷遍厭拮据漁莊入夢清魂蓮舊家澗山湖上居
陂塘養就千頭魚小築一徑通霖菴九峯疊秀同環滁雲氣
滃山疑龍嘘城荒白苧傳闔閭楓溼夏日繁紅葉微波縹縹
風來徐釣竿落處深不淤飛集鷓鴣兼鷓鴣榴栝檜松杉
楮四圍蒼翠紛扶疎幽懷此間聊可聽晨昏况得侍板輿春
醪餉客斟浮蛆飯炊香梗熟新畬尊絲突過長安蒞山拳之
鄒樂只且鏡湖許乞吾歸歟觚稜回首心躊躕 雨露恩渥

能忘諸南臺方閣下除書表率牙服封章臚清霜乍飛走衆
狙馳馬步上無趁起願公莫亟賦遂初 廟堂獻替功難紓
遑學丁卯耽樵漁

華明府

秋

石門觀瀑圖

片颿憶過匡廬下夢想銀河向天瀉香爐峯高未及登空見
江濤疾於馬名山聚處數浙東括蒼天姥遙相通石門瀑布
更奇絕懸溜欲並閭先雄詩人位置天原別紆組偏教近巖
穴前身孫綽令章安界道飛流賦能說嗜奇暇日探靈區小
舟一棹穿菰蒲迥巒疊嶂勢盤礴匳竹欲度須筇扶松杉擁
處登孤榭照眼寒光剛激射白日驚聞雷雨聲玉龍飛下蒼
山辭著書昔有青田劉赤松黃石同遊遊雄虹時吐氣千丈
相與噴薄山之幽高人跡等浮雲散洞壑依然猿鳥喚一條

直注似長川，颯母風來吹不斷。故園住近九龍山，慣看匹練懸林間。遊蹤得此窮壯觀，煩霧滌盡開塵顏。我生亦具泉石癖，畫裏晶簾窺咫尺。山靈若肯相招邀，準擬明春蠟雙屐。

鄭編修西橋黃山觀雲圖

山頂安得洪濤春，雲海萬頃雲蓬蓬。却立雲端視雲背，俯瞰塵世皆蟻封。盪胸何止如學絮，軒轅煉丹舊曾住。峯三十六洞十八翁，鬱迷濛不知處。倚天峭壁斗可捫，石上倒走長松根。疑是疑龍吐烟沫，遮翳白日蒼林昏。我生亦具看山癖，眼界未開負雙屨。對此茫茫欲振衣，便挽洪崖跨鵬翼。

武昌喜晤徐民部惕菴表兄賦贈長句

連旬苦雨陰雲堆，閉門不出生莓苔。駟車忽報故人至，廢卷起立心神開。此間會合非所料，握手入門先一笑。別期回首

已七年却喜君顏猶壯少憶昔長安居對牀騷壇酒陣爭雄
強短檠伸紙共索句不覺落月沈西牆青雲退鷓子何有君
亦左官事奔走中間消息兩茫然傳得新詩滿人口星郎出
使多輝光幕府贊畫需賢良橫行濶視異流輩意氣不減前
清狂索居兩載寡儔侶奇氣因君思一吐鐘鼎山林未可期
人生須各有千古秋風蕭蕭黃鶴樓要君同登最上頭胸懷
萬里瀉何處拍檻快看長江流

過周家水亭

一徑尋深竹蕭然遠市闌閉花多落澗細雨欲沈山漁網平
橋外人家翠靄間東頭士龍住時復敞元關

烟雨樓

輕烟漠漠雨濛濛曲檻朱欄四面通山色半浮津柳外人家

都在水雲中珠簾捲處開歌板漁笛吹來權短篷消暑無如
此間好鴛鴦湖上白蘋風

馮集梧

字軒圃號鷺庭桐鄉人乾隆四十六年進士官編修有
貯雲居文稿詩稿

前揭山房詩話鷺庭爲卷各侍郎三子多藏書精校刊嘗刻元豐九域志杜樊川
詩注惠定宇後漢書補注盛庸三儀禮集編又畢林帆尚書輯資治通鑑刻未及
半頓爲廷重
校刻成之

武城縣

障與衛合流厥性喜奔竄沙水相排撈取道倏變振此塌乃
彼漲往復如螺旋舳舻行相銜回頭成對面張帆復卸帆順
逆日幾徧自是水致曲非關風善變我昔鼓征棹當春勢灑
瀚怒濤聲喧歷所齧無堅岸村落所當衝頽毀存不半彼民

多顛連客心頗驚憚茲行值水縮平進隨魚貫秋柳尚依依
呼羣有鳧鴈飽餐無餘事篷窗可靜翫絃歌指高臺傳會聊
一粲汶口流湯湯計程按昏旦

哭劉給事謹之卽述湯夫人殉烈事

有夫爲良臣有婦爲烈婦人生孰無死死亦稱嘉耦結縭三十載尸蘋兼奉帚早歲贊成名瑣闥紆華綬松柏有高枝蔦蘿相結糾雖非同根生所願同白首陰堂告惡夢年僅四十
九良人忽見違子焉無主後姑淚視含礎也笥及嬰柳客散
僕御倦仰視月宿斗重泉路幽幽去者尙未久安行應有待
相從宜急走吾有朱絲繩結以雙環紉持向靈床前畢命義
不苟身死名則存誥朝傳萬口
至尊聞之嘆謂此足深
取良臣誠可惜乃婦更寡偶下
詔爲表揚贈恤從優厚

紹興給事曾祖
卿夫人得旌表

我家本通家風義又師友名門標盛事悲喜兩
俱有愧無如椽筆闡發付巨手金石或可淪此事期不朽

俞廷楡

字純植號柱峯餘杭人乾隆四十六年進士官至昭通
知府有柱峯遺詩

將赴昭通陸行抵富陽途中回望天柱峯有作

峩峩天柱峯佳氣籠碧落其巔多白雲雲移向南郭近郭卽
我家慈親居索莫我初還家時侍母坐帷幕母言萬里行嚴
喪宜踴躍循聲遍南徼所學期無忤一旦辭母行母訓聽猶
昨迢迢富春道僕夫勇氣作去速首屢回但見峯岬嶠願將
思母心隨雲佈寥廓望雲詎師古離懷冀可託

己亥初冬都門虎坊寓齋食寒具與朱

文藻

朗齋陸

湖海詩傳卷三十七

美

以誠
和仲胡光龍雲川聯句

消寒候未肅治具法久請食單供數九

文藻

節物宜春三

宋人以寒具爲

寒食之具

餅無湯可飲淘非冷耐哈入油質彌脆

誠以

著鹽味甘

想其登釜沸不敢同湯探數尋類搓玉

劉禹錫寒具詩纖光手搓來玉數荷

龍一襜

疑采藍不教書畫近聊與餽釘參正如恩膏沃

廷論

具見霑濡

覃賦屑鼠方竊爭餌魚同食紬絲比夜績

文藻

食葉如春蠶但

聞聲敝敝不辨語喃喃甜水淪苦茗

京師謂淡水曰甜水以誠

乾酒啓小會

燒酒曰乾酒

醉醒各隨量飢渴任所耽滑喉咀味速

光龍

染指攫取酣

高堆覺盤小備濯催盆涵稠疊不知飽

廷論

煎熬倘能堪來愁

厨傳遠賣聽街市僮吾鄉又名餽

文藻

餽物常宜男棗栗佐分

果彈酒爲伴函

武林風俗以此爲餽字生男之家任以棗栗彈酒之類委和饋送

今茲偶饗餐

誠以

何必

論北南局餘戒暴珍槃盡增惶慙主賓各义手

光龍

僮僕空攜

藻文 籃一飽仍向火再壓期傳柑詩宜踵題
豈嗤空談

沈景熊

字炳季號嵩門仁和人乾隆四十九年進士官印江知縣有寄取軒詩鈔

蒲礪山房詩話炳季爲余門下士叢書裨說靡不瀏覽發爲詩加入波斯之肆木難毋深往往雜見沙襪間抗大宗編修稱之余在武林修西湖志招以入局因深知其學業晚窮民社旋卽懸車亦振奇好古之士也

西江古鐘歌

維 皇至治誰比蹤聲教廣被協堯雍德動天地大樂出
西江爰獻蒼姬鐘徵祥已邁汾陽鼎典寶不減東序鏞齊盥
周景不可見對此厥象羅心胸鑠銑角甬雕刻巧禮圖繪畫
真儉儂面各四乳乳四面三十六乳如攢峯寸挺戛擊乳乳

異春容穆轉聲丁冬銘文可識猶史篆結體古秀蟠蛟龍正
月乙亥誌造作子孫世享何敬恭至今相對猶鄭重恍如入
廟來朝宗更愛完美剝蝕少朱斑燦爛耀丹彤百神呵護信
不易紫泥土碧光茸茸我昔遨遊過渝水幸覩此物誠歡悰
摩挲不釋加考核摹寫鈎勒全姿丰爲綏爲不敢定集古
金石相追從乃知真是三代器一十二律殊聲容非編非篋
亦非特依時大小無相重此地舊爲墨莊宅當年什襲恣清
供長留已及數千載溼沒久被磚苔封一朝應瑞現牛斗鏗
然出土驚三農九牧上貢天子喜皇皇寶貴珍方琮

命付太常重審定韶音復作慶遭逢短章作頌且志遇會

見儀鳳來邕邕

禮殿學文其大鐘名似雅小鐘名似綏不敢妄識恭聞 御鑒定
爲鐘非依制增置廟祀作樂崇德千古莫隆歌以紀事且志遇

也

途中

孤篷小泊碧山根，短竹疎籬古寺門。
樹接殘陽紅有暈，水連芳草綠無痕。
趁墟雲濕魚蝦市，喚渡人歸薜荔村。
長望鄉關愁日暮，烟波江上與誰論。

邵培憲

字元惠，昭文人。乾隆四十九年進士，官麗水知縣。有避
葵吟。

清江浦

橘產自南方，北踰淮化枳。鸚鵡不踰濟，貉踰汶則死。山澤各
有宜，物生苦轉徙。胡爲名利人，輕身去故里。客土無元氣，始
謂殊不爾。頻年厭行役，斯言真信矣。今我至河干，景物劇可
喜。泉甘土盡腴，風柔草爲靡。舳舻疑駕梁，軫輻不留軌。鄉音

漸有情水族更多旨分明魚處陸萬丈落清泚江湖頓相忘
吹沫掉其尾回頭人海中兩載百日耳浪跡每匆匆歸興常
疊疊衣塵緇未化不藉河流洗但念何所爲去來忽未已稽
康尙詰責鍾會齒難敢用此良自悵慷慨不可止

瓜洲城

蘆荻叢中古戍樓孤峯隱隱瞰江流鐘聲遠雜湖聲落山色
平分樹色浮絕岸風雲連鐵甕遙村燈火隔揚州賣瓜步上
聞佳話願得分甘到客舟

宿高溪

古寺依山側征夫此暫停夕陽穿逕竹流水約池萍行旅慙
搗鶴風塵學戴星明朝又前路詎敢惜勞形

李驥元

字鳧塘綿州人乾隆四十九年進士官編修有雲棧詩

稿

蒲楊山房詩話鳧塘詩有奇氣亦有逸氣起句如東風吹早霧豁豁豁朝陽秋風捲地來黃葉打燈籠山頂出天上山根枕湖眠龍山如龍頭垂胡飲江水大江日下流我沿江水上天地爲大墟前此潼川水天雲送春去山色青無邊結交不結心同室如異地又如荒雞何與人尚不榕濼荷五更枕上鳴唯愁客夢熱又河連天上月沙鷺雲中雁人來鴻雁飛河動月光亂看山加飲酒快意聊心醉皆能自鑄偉辭未經人道與兒墨莊工力悉敏可稱二難但奉粟一糞臣飢欲死未免流淚江湖因人作計故激昂慷慨中有危苦蕭瑟之音

天雄關

左排山萬峯右包江一道轟轟天雄關衝霄崖未了地據西南雄天圍秦隴小波濤碧油油霜霰白皓皓自經開道行羣山入懷抱及茲歷益高如鶴凌蒼昊但惜往來人扳梯增悞

惱

飛仙閣

仙人耽白雲不肯塵囂住凌峯修一閣高掛雲多處門棲唐
代烟園種宋時樹敬崖下接江陡壁中開路雙雙白玉童啓
門四山顧舉手忽招我言駕鶴來馭便當謝時流追侍王喬
去

滴水崖

泉水山澗流澗下山更險積勢懸崖前一落瀉坑坎碌衝石
有聲澗洞山俱撼幸逢寒沍時不雨波濤減掣鷹駭越禽見
兎想秦獫狴深風勢號霜重楓枝染水旣碧無塵山猶青未
歛何須桃花源卽此供流覽

七盤山

南棧七盤促北棧七盤長兎高瞰地底曲折同羊腸一盤訝
天近舉手捫日光三四盤漸轉如灘下舟航五盤六盤上山

翠靄衣裳樹垂萬年古泉落千丈強紆迴第七折始得遵平
康江翻浪中雪馬跡橋上霜迴頭望山頂烟霧空蒼茫

壽陽縣病

羣山隨我來寸步不離側蜿蜒到縣城頗使遊人適山鋪落
日黃水冒浮州碧細流入孤村千峯圍一邑停轍更流覽尖
沙吹絡繹地寒草木枯秋高鷹隼擊人言苛政猛前令新罷
職寄語後令來蒼生宜愛惜

駱駝灣

繫馬駱駝灣曙色分行客長江隱塞雲遠地苗寒麥犬吠野
人籬酒香遊子席魚肥僕意歡芻多馬聲悅此間有岐途西
南割阡陌南連楚水州西接秦山雪我家蜀江西胡爲向南
役翹首望劍關肝腸雨斷絕

入峽

兩山峯欲合幾無水行地神禹鑿石開江流初得意汪洋雪浪來河漢峽中墜吼如秋夜潮快如金埒驥不知造化功奇險何年置鎖斷粵咽喉舟度亦非易篙師反歌笑上峽若無事嗟爾澤國人終以水爲戲

石門山

石門山有四險惡惟塘窟峯高天疑卑壁峭石欲落兩雨建崇塘蓬蓬榮刺竹虎嘯陰風生泉飛白口浴開闢無人徑步崖卽顛覆豈知我亦巧輕舟破江綠借冕上急灘飛語答空谷側耳聽鷓鴣倚舟看楓木

白馬灘

下流望上灘灘勢垂天半噴欵幾千尺如馬下高樓舟進波

欲攔閩同鄒魯戰畢竟人勝水遲迴達灘岸兩山又交壤中
嵌江一綫日月照不及蓬蓬雲遮而苗夫力牽纜出山途始
轉迴望不見江但覺林葱蒨頻年江海行風波歷亦慣篙師
翻畏蔥泊舟猶喘汗

雪山關

白日走青霄夸父不能逐一上雪山關日疑手可掬峻看達
天門雄訝折坤軸亂山泣魑魅一徑通黔蜀樹欹上下崖風
簸西南谷當關據一夫萬馬應喪足憶昔隴西行劍門關駐
目謂擅天下險烏知險非獨俯視肩荷者喘汗步難速安得
愚公移蕩蕩平路坑壑

送友人回蜀

何吉齋

誰遣春花伴客旋聲聲祖悵咽離弦月明燕市嘶征馬雲暗

巴山聽杜鵑攬轡空懷齊物志歸鄉且讀養心篇相思莫謂
書難寄飛雁猶能到日邊

甲寅春日送述菴先生南歸

氣節凌霄柏聲華震地雷七旬恩眷渥千里嘯歌迴召伯
棠猶在陶公菊又栽

公去秋曾
告假南歸

蒨雲華蓋捲吳月斗牛開尙憶

雕籠辯真憐倚馬才詩刊湖海集酒醉聖賢杯雨淚滋桃李
時稱帳都門
多公門下士風情寄竹梅故鄉親友說疏廣賦歸來

潘奕藻

字思質號畏堂吳縣人乾隆四十九年進士官刑部郎
中有歸雲詩集

游天平山遂宿白雲精舍

我非山中人強就山中宿松風扶杖兩腋輕野鳥迎人幽徑

熟山中老僧舊所識扣門不厭聲剝啄白雲封戶洞壑深玉
筍參庭衆峯蘊庭中方池清可鑑閣以朱欄陰修竹游魚啖
影花氣肥垂楊蘸水波鱗蹙雲泉古篆誰所銘第一清流冠
兩服石壁有白雲泉三字篆又題曰吳中第一泉石磴垂蘿辨茶竈翠崖遺影留仙躅山
僧延客何所薦斫取枯枝煮溪菽飯餘小憩涉山亭月黑惟
看星燭煜空林突兀鼠磨鼠飛泉蕭瑟鳴琴筑悄然情冷不
可往閉門孤坐依殘燭鋪牀拂枕少眠卧鼻息雷鳴驚倦僕
人生百年坐飄忽塵勞擾擾紛馳逐榮枯得喪醉夢裏孰以
亾羊辨臧穀共言小隱待功成蝸鬪何時息蠻觸我今暫結
清淨緣有似冰丸破炎煥何當遂此永幽棲青壁茆齋倘可
卜統如五鼓耿不寐木魚旋起呼僧粥

聞笛

秋浦月初上秋風雁獨飛何人愁出塞有客賦將歸水落魚
龍寂霜清楊柳稀徘徊聽入破涼月冷侵衣

確山縣

古爲道國

最爾春秋國嗟哉黨綱名世家遺舊史故里重儒生蜩沸涼
移樹山危翠壓城此邦風土好不讓首陽清

死綱葬首陽山
劍范孟博語也

七夕次小河汛

今夕是何夕蕭然旅館清風驅殘暑淨月蕩一鈞明瓜果天
涯節雲山客子程前途烟水濶好趁布帆輕

呂星垣

字叔訥武進人貢生官新陽縣訓導有白雲草堂詩

北窻曉起

北扉斜對玉山菴鐘磬遙遙度碧曇几近蔬園幽景曠帳連

豆架暗香含半窻雁影秋河澹一枕蟲聲風雨酣自覺精神
生早起寫經兩幅抵朝參

邱思燕

字內南青浦人諸生有青山吟藁

朱寅齋莊蓮谷泖客飲裕光齋

訪舊斜陽寒歸雲嶺上收主人孔北海座客謝南樓何幸邀
青眼多情易白頭玉簫聽未得明月照人愁

六和塔

山僻疑無路鈴聲樹杪聞海天雙眼豁吳越一江分懷古臨
流水題詩對斷雲六和憑眺迥頭地覺超羣

慧日寺觀梅

盈浦平添十里湖萼芳好放木蘭橈最憐旭日和風裏剝有

枝頭雪未消

江鄉羸得此身閒，信到招提數往還。忽憶虎山橋畔路，朦

月色照吾山

香雪海本
名喜山

湖海詩傳卷三十七